


施氏宗譜

卷之六
仙字號





唐太子博士士句施公墓誌銘

貞元十八年十月十一日太子博士施先生士句卒其

僚太原郭伉買石誌其墓昌黎韓愈爲之詞曰先生

明毛鄭詩通春秋左氏傳善謀說朝之賢士大夫從

而執經考疑者繼於門太學士習毛鄭詩春秋左氏

傳者皆其子弟賢游之子弟時先生之說二經來太

學帖帖坐諸生下恐不得卒聞先生死二經生喪其

師仕於學者亡其朋故自賢士大夫老師宿儒新進

小生聞先生之死哭泣相弔歸衣服貨財先生年六

十九由四門助教爲博士由博士爲太學秩滿當去



諸生輒拜疏乞留或留或遷凡十九年不離太學祖
曰旭袁州宜春尉父曰媯濠州定遠丞妻曰太原王
氏先先生卒子曰友直明州鄞縣主簿曰友諒太廟
齊卽系曰先生之祖氏自施父其後施常事孔子以
彰讐爲博士延爲太尉太尉之孫始爲吳人曰朕曰
績或載其績先生之興公車是召纂序前聞於光有
耀古聖人言其旨密微箋注紛羅顛倒是非先生講
論如客得歸卑讓肫肫出言孔揚今先生死矣誰嗣
爲宗縣曰萬年原曰神禾高四尺者先生墓耶

宋故招討使承節郎施公墓誌

儒林郎韶州司法參軍彭應龍撰

宣義郎知太平州當塗縣兼平

寨兵軍主

趙汝豫書

公諱鼎字國器其先安吉柴溪人君父諱惟侂吉州
助教挺挺有氣節乾道閒贅於吳江南溪沈氏因其
鄰卜地家焉君生而穎悟侗儻不羣弱冠丁父喪侍
傍親次孝聞其後貲產稍稍增置隆師取友以書自
娛好讀朱文公中庸大學解兵書串貫經史前代君
臣事蹟歷紀本末游談賢士大夫間議論亶亶陳古

證今與敷文喬公孫通善因得見大丞相國公首詢

和糴錢楮利害君極意開陳大概論稔鄉及時收糴

則民不病出納純用楮幣則民不饑丞相大奇之因

奏補副尉嘉熙乙亥 騎闖淮上命樞臣視師江面

時敷文京尹以君薦於督府一見益奇之辟行府淮

遣從黃州都統呂公文德提兵淮西王師屢捷君與

有勞督府聞諸朝轉承節郎勅授淮西招討使未幾

丞相喬公平章當國督府史公有揆召還人謂公一

日九遷可冀也君曰是非吾願吾以布衣起田疇熟

知於王公大人已逾夙分人患不材不患不速化因

調嘉興府青龍司征討次於家於居之南營一別室
命曰知止將野服逍遙其間遂均田宅置簿籍首勤
儉艱難等語授諸子卽日遷其居未及期忽一疾不
起嗚呼今人貪名嗜利苟可染指媒身者靡所不至
而君於急流中勇退焉故予所謂今世之達人也君
以淳祐三年正月十三日卒年六十五其孤於淳祐
五年九月丙午奉柩葬於居里北張之源從夢授也
顯考嘉定六年卒年五十三妣沈氏紹定五年卒年
八十六皆以向卜葬不利不克葬今厝於左君娶同
里助教孫公世春季女有子六人長師懋次師恣次

師顏次師閔次師蒙爲增廣生次師雍女二人長適
安吉州朱益友次適安吉州蔣端儀孫男六人長仲
琇仲瑛習舉子業次仲琦仲珍餘未名孫女五人君
惟好善樂周人急里有斷港則築之浮屠壞宇則瓦
之曩歲旱歉人艱食君罄私廩平其價以糶之人德
之易簣之夕至有聚首而私弔者諸孤將祥除終天
事而次男師閔忽於是年六月卒嗚呼襄事有其孤
備述行實因其客來請顛禾應龍投閒且老筆硯生
塵再辭不敏退思曩於平章寶閣嘗識其人儀容形
止猶可想見安得過辭迺次第其實而紀之

明故文林郎福建永安縣大尹施公墓誌銘

賜進士中順大夫致湖廣漢陽守事前禮部員外郎

里人沈熊撰文

賜進士文林郎廣東道監察御史邑人陳恪書丹

賜進士中憲大夫江西按察司副使吳瓊篆盡

宏治十三年四月初六日福建永安縣大尹施公卒

其子玘十以今年十月初三日甲申葬於溪西預營

之壙僭弟瑄持其表兄四川成都府推官稽君恒所

述行狀過予請銘墓石用圖不朽予因卽其大者序

次之按狀公諱謙字季亨姓施氏菊隱其號也曾祖

通甫祖彥明父存仁母蔣氏生公於永樂乙未六月
十七日公有岐嶷淑質自少選補郡庠弟子員業周
易淬礪問學屢試鄉闈不利景泰二年間膺貢上春
官卒業成均成化丙戌謁選銓曹拜福之永福縣令
公蒞政寬平待民和易不作聲色不恃筆楚民心愛
戴奚翅父母先有盜賊數十嘯聚山村大肆剽掠公
躬率民兵捕之且諭之曰汝等本良民但爲饑寒所
迫不得已而爲之自今能自改過從善吾當貸之不
復追捕賊聞公言卽稍散去蓋以公直名素著雖強
桀者亦信之無疑矣不三載丁內艱服闋改除福建

永安公之律已愛民一以治永福者治之民之敬信亦與永福之民同一心也成化戊戌上疏乞歸詔許之公居家性度寬厚喜怒不形尤敦尙禮義事兄元亨若嚴父撫諸姪如已出至冢子璣爲賦稅長適值年饑民苦疲弊公戒之以勿急於催科勿過於征歛璣如命卒致貧民逋負賦虧莫能追公命璣鬻田代補民感賴之公晚年好靜杜門不入城府雖郡中延鄉飲亦辭之公配稽氏本里稽貳尹璘之女弟也先卒繼娶楊氏亦卒復娶李氏子男四人璣娶張氏玘娶周氏瑄娶鈕氏珪娶陸氏女二人長適顧麒

次適屠璋皆稽氏所出也孫男十二鐸銓鑑鑿銘鎮
鈺鎬鏜鏗鈿鈿孫女五曾孫男五岳嵩岑嶽曾孫
女五尙幼公春秋距其生八十有六年茲將扶柩與
稽孺人合葬嗚呼公之德孚於家邦而鄉人尊之如
長者德孚於二邑而民仰之如父母公可爲善人也
信人也予念我孀氏而有夙昔姻婭之情托交先生
而有忘年麗澤之益非但同宦遊而已耳是宜病而
悲死而慟葬而爲銘也銘曰
窮理於經鈎立探蹟施政於仁民懷盜息歸老田園
爲鄉表率銘刻貞珉光賁玄室

明封承德郎南京刑部主事在庭施翁墓誌銘

眷晚生金鵝山人楊鉦撰并書丹篆蓋

嘉靖戊戌鉦識璉川施平叔氏於潞河之滸聯舟南

下聽其議論出其所爲詩文皆絕去時俗態日有以
窺其志信之素相與知己托婚姻焉旣則訪平叔於
南臺獲與在庭翁交際翁和易寡言外如其中恂恂
翼翼固宜其子之有平叔也然謂其修享貴盛將歲
時登堂乞言而翁忽不起矣鉦也蓬轉顛頓未及走
哭今年九月平叔不遠數百里過余九谿草堂告葬
期遂委鉦以誌銘且曰吾惟取知己之詞不誣其親

焉爾鉦乃不得以鄙賤辭也謹按其宗人南村太守
所爲狀以敘之志曰施氏之在吳興實自魯惠公子
始由漢唐來不乏聞達之士蔓衍以及連雲愈奕奕
彰矣翁諱鏜字汝聲別號存庭曾祖曰存仁祖曰謙
文行有聲於鄉以歲貢兩知大邑迄今頌其惠政者
不衰考曰瑄號月巖生三子翁其季年也少敏悟與
仲兄鉦同筆硯數歲卽能誦書史說先王咸謂其進
之科第易易也旣長以月巖悉力賓祭每不勝其僕
僕者乃請棄士就賈以給之且俾仲兄得專舉子業
然惟時聚散以濟有無蓋掾積著之術而通之以信

義者也以故家漸饒益月巖得以優游朝夕焉識者
謂翁於是乎能孝其后當自通顯未幾平叔生果奇
氣自別甫冠卽能兼總載籍詞譽流於吳中辛卯由
邑庠生舉於鄉高等先是月巖嘗夢神人示以一畝
中大書辛卯二字初莫解其所指至是乃驗翁喜曰
是可以慰老親矣無何月巖謝世翁以不逮平叔祿
賜以寬一日之養也哀毀幾危乙未平叔舉進士翁
之遺書曰汝惟職之奉而令名之貽庶不負吾教矣
平叔爲南京刑部主事一年適 恩詔推封翁如其
官謂翁者則貴矣翁之自見則不加也益以禮法自

持守田廬之舊以修息之而貧交疏昆弟皆得以籍
其餘焉鄉鄰之憑籍勢資以相陵駕者多見其愧於
翁而自遷矣乙巳平叔自刑部郎中擢青州守竟以
中讒解官歸翁則曰汝性直遂而昧於趨時固宜止
此况出處有數第安之若翁者其古之人好行其德
而達命者乎其生也在成化甲辰十一月十八日其
卒也在嘉靖丙午正月初十日年僅六十有三配董
氏封安人子男三人長卽平叔名曰峻娶沈氏封安
人次嶠娶潘氏繼娶費氏次嶽娶張氏女一適嚴大
經孫男五人於家庠生娶曹氏於官其聘則鉦之女

也餘幼孫女四人其婚姻則皆名人著姓云平叔將
以庚戌年二月二十五日奉其柩葬於餘圩之原從
祖兆也銘曰吳興之施世德孔厚不食其報以遺厥
後翁可以士不士而賈孝以自寶中則無惡有子克
顯含章振藻不躋華要烈名乃耀誥誥諸孫亦蔚而
文豈不公卿靈源沄沄餘圩之原閒曠幽密哲懿斯
室考之永吉

明故處士施棲清先生墓道碑

未嘗良

文

不

不

歸安之大姥墩有施氏自宣義郎以農起家
在元稱閭右至國朝家益大有稅長信義聞于邑
邑稱長者其弟以催租嘗格殺人法當抵罪念母愛所鍾以
身當之遇赦得不死稅長生冕冕生濟字悅民號棲
清翁生丈夫子四長儀次佐次佑又次儼佐佑皆舉
鄉貢佐守茶陵佑判池州改東昌陞守平度從子儒
嘗爲御史施氏以文學顯自茲始謂之世德不其然
乎棲清翁少以孝友聞後設義塾于家申言孝弟誨
諸宗戚子弟使就食焉歲時卑幼羅拜堂下諄諄謹

身治家之論又曰吾無過人者特不欺耳弟死撫其孤遇事輒心痛曰豈可使死不瞑目乎舅之子與匠氏購怨往爲解之明日復辱匠氏於道至破其舟又解之曰彼被酒不解事吾當償其值人怪問曰惟吾母之故耳歲饑鄉人貸粟千石明年大熟來償不納曰相周之義豈望報乎若券已毀無復爲念鄉人曰他日死不敢貸于公門乃取其半又嘗遇歉躬載米肉給閭里時祀之助莫不感泣有商糴未發而淫雨積日漂沒禾稼米價數倍一如初約商以爲詒曰言出于口面目何施商咸嘆以爲未嘗見之有胥負官

租鬻產以償曰產破何以自存吾爲汝輸由是家賴以不破上塚值盜伐木方據木上乃徐徐以俟其下台而語曰吾不逐汝恐墜也盜愧謝去邑長屬督稅甚急曰催征譬之剪韭須漸乃獲拔其根則生意息矣能復加鎌乎厥後賦皆告足嗚呼可謂敦仁行義者矣施氏之德蓋自宣義卽以善肇于家而棲清翁又培植之後世不自此而興乎春秋墦祭者讀是碑未有不怵惕以自勵者矣

嘉靖四年乙酉冬十一月朔日

賜進士出身翰林院侍講 經筵官同修國史鄞縣

陳沂撰

南唐四書心齋卷之十一 論語日

夫亦不若以自強者矣

又欲以之於野不自強而與乎春將振發者隨其

時矣故凡之於野蓋自宜養而以善舉于寒而動於


矣論語曰野乎野乎野乎野乎野乎野乎野乎野乎

其論曰野乎野乎野乎野乎野乎野乎野乎野乎

合而論曰野乎野乎野乎野乎野乎野乎野乎野乎

以不類土膠齒盜於木氏謝木土氏余余其其

廣野適以爲曰盜盜盜盜盜盜盜盜盜盜盜盜盜盜



廣東按察司副使西亭施公墓誌銘

余大父良軒公舉宏治甲子鄉試則南村公同舉鄉
試舉正德辛未進士比對

制則西亭公同對

制一日侍大父道西亭公慷慨奇偉所至輒著稱
爲賢豪然再出再不究用以歸未必盡命也依違阿
佞規矩改錯蓋自古易爲容矣嘉靖丁酉余承乏閩
之泉州推官同官唐通判澤潮人也公故兵備其地
唐語余公以陳給事獄持法忤新貴人去先是惡少
航海者持鴿鳥之東島夷獲二十金卽訛言番嗜鴿
鳥甚可射利數百羣聚奔走乾役有以貲產易一鴿

契成揖讓與之不色齊郡廢耕織本業若狂焉公卽
斥言此烏妖不可長特嚴禁捕逐廉首事數十人盡
寘之法閱若干月而定其時微公且將有他變勤官
府甲兵卽勤未必勝也今年戊申公仲子箕以從余
遊故持南村公所爲狀請予誌之而銘之按狀公諱
儒字聘之別號西亭浙之歸安人也以尙書舉浙江
丁卯鄉試明年與會試時逆閹瑾方竊權柄播弄人
士號正直者多遭斥逐編戍之禍乃托疾歸教授吳
門與太僕都公穆京兆祝公允明翰林文公徵明友
善結社賦詩有以自樂也瑾誅之明年爲正德辛未

入奉大廷對得

賜進士出身七月授山西道監察御史是時

武宗皇帝春秋鼎盛無他恙會

乾清宮災求直

言公手疏弭災事目尤拳拳以建儲爲言非人臣敢
輕議者不報癸酉巡山海關甲戌改巡應天初山海
關西自密雲傳馬蘭營至關千里而遙地逼近北虜
爲要害屬承平久無烽火之警兵將偷惰晏然不虞
而貂璫怙勢爲重稍侵牟之又御史前後持節至不
能一歲二三巡其守關用部使者以職守有專不得
與民事皆不便公至先以軍所疾苦權貴人章某如

法從事乃振紀綱料兵食去墨吏部內肅然及請於
朝添設兵備副使若僉事一員與叅將共事軍民皆
得統一便 上從之設兵備官於是事竣得代
趨應天之命應天鄰歸安公乃便道省母程太夫人
已視事如前山海時賊吏若豪猾踰檢者素憚公嚴
重不敢犯公亦務廉實不發摘自神異得體會有都
城門卒故出入權貴法當移戍權貴請之不聽反論
奏公有旨逮治下詔獄羅織備至竟無他左驗以
枉道奪職得還侍太夫人躬奉養三年暨疾病湯藥
襄事皆公所自盡公固少孤得追先大夫之養一盡

於太夫人雖使驟顯貴一時捧檄東西去中懷慕戀
若北山大夫然公自稱不願易也比太夫人喪畢

天子入嗣大統

詔

先朝諸臣以無罪廢

棄者復其官遂起公廣東按察司僉 兵備潮惠間
潮惠故藪盜擁眾多者至數千人沿山峒結巢穴互
爲聲勢官府不能禁多招撫曾無何輒掠畧如故以
爲事體不宜輕動幸毋爲大耳公至會劇賊龔梁鳳
鍾大總者復相哨聚公方部勒狼目漢達官軍及效
順新民各密授方畧分道進直抵賊所據曰龍川山
池者旬日間勦平之并諭他賊首吳大王等詣營歸

命捷聞賜白金文綺潮人士請於學士倫公以訓伐
石頌功焉明年平新田寇又明年平桃子園寇皆斬
獲二千人以上遂請設惠來大補二縣賊於是無所
逃遁今惠潮之間民得老老長幼不聞徵發不事金
革云乙酉年擢福建布政司叅議業行矣總制尙書
姚公鏌巡按御史涂公相會請量加公憲職畢事於
潮惠間而公亦曰我思用廣人命下得授廣東按察
司副使整飭兵備如故庶幾展公才志而鴿鳥事起
諸右族方紛紛不便公馳捕諸惡少爲口語以詆冀
搖動公卒以公持之堅息此大妖於一方陳給事者

與公同年居鄉里間橫甚以言事得黨於新貴人雖
罷官竟不次授太常少卿乃卽其所讐恨二千家訟
之朝行廣東覆按諸同官者皆憚陳競袖手避陳獨
難公且以新貴人手書至啗之美官竟潮之民所以
無寃而寘陳於法者公也明年遂落職公自始與計
偕及是前後二十年纔通藉七年耳行業藉甚縉紳
間甫筮仕而托疾中而爲民終而奪職皆以孤亢不
能於權貴至屏棄然桃子園之賞公已歸田天子不
忘前功卽其家賜之不可謂不遇而新建伯王公守
仁之平八寨也會右江兵備員缺未有所屬任以公

學明氣充忠信果決疏名以請而兵部尙書胡公世
寧至舉公自代公之名自是愈重矣居數年與大司
馬先湖郡太守劉公天和共商湖中稅重輕不相準
多逋負民日以流移而吏課殿於是劉公爲請於朝
如議行公鄉諭父老子弟以太守均則意甚便且田
一而已旣分官民就官田中稅重者至畝一石歲入
幾何而以一石輸官勢必不給以至死且徒不已則
徵諸其里之人縱戶皆民田稅輕卒至均賠令下無
免者此固已事之徵非以他利害相誑也今誠均則
一時不便然無代賠之苦又重稅田常少中田居其

太多所謂輕者亦不多見以重準輕要無大相遠又
履畝丈量常無隱匿獨幸者亦足以均諸則而分諸
戶苦樂矣於是一郡皆應劉公卒得行其志今所謂
惠湖大計一書信大計也又請割烏鎮邊界立爲縣
雖不得施行竟得設通判一員專制其上諸鹽盜獄
訟有所彈壓無爲大姦宄信如公所謂鄉先生不虛
矣公生六歲而孤受教於伯父棲清公濟稍長遣就
仲兄棊陵州守佐與南村公佑同卒業焉性慷慨不
拘苛細恥與不善人共事致旅退不前工詩及書法
多致四方文人及或以貧來歸者爲悉意延禮所著

有中庸臆說等藁藏於家生於成化戊戌卒於嘉靖
己亥享年六十有二以是年十一月二十五日葬於
菁山之原父惠母卽程太夫人先娶慎氏繼娶陸氏
子四人曰簠兄僑之子先慎未有子命慎子之曰笠
郡弟子員慎出后公八年故曰箕縣弟子員曰竿尙
幼陸出孫四人銘曰

旣仆而起終以躓爲鄉先生施未已位不充德利
後嗣吁嗟施公其在是

前進士餘姚張元譔

明故鄰溪處士墓誌銘

棲清施先生躬詩書禮讓之澤以教其子孫一傳爲
愛月翁儀遵棲清業不廢而茶陵州公佐膠州公佑
及廣東按察副使公儒又各以經術顯或領二千石
或由御史出爲監司並有聞於時再傳爲處士簡字
克廉號鄰溪處士以布衣屏跡邱壑不事瑰瑋嶄嶽
之行以炫聲於州里間然獨能引棲清先生之教以
抗宗法於族事父孝與弟仲相友善處士旣長老而
父母猶在堂朝夕候寢膳或歲時召族姓相宴會處
士則皓鬚眉袞衣帶而偃僂於前仲亦皓鬚眉袞衣

帶而傴僂於後方諸父後先貴盛時恂恂然與仲守
詩書禮讓以帥諸昆弟子姓諸昆弟子姓並如田家
子不作氣勢以狼藉人晚及諸父漸零落則又繩繩
然與仲守詩書禮讓以帥諸昆弟子姓諸昆弟子姓
或第或未第然各纍然以經術紹門戶至今不輟也
故施氏子弟出則與絃歌之士相俎豆入則與阡陌
之子相俛仰訢訢如也與與如也蓋未嘗敢以睚眦
人人亦未嘗睚眦之者昔漢史嘗稱萬石君家以孝
謹聞雖齊魯諸儒皆自以不及余竊謂施氏近之矣
郡太守嘗廉處士行而賢之檄縣長吏揭書其名於

亭召之鄉飲而令給冠帶並謝不受享年七十而沒
是爲嘉靖庚戌十月二十八日也配姜氏側室陸氏
倪氏張氏子男三長守成姜出娶唐氏次守常倪出
娶姜氏次守訓娶李氏女一適李思望並張出孫男
七長可大縣庠生次可夙可式可法可爰可宗可進
孫女二曾孫男二守成等卜以乙卯月日葬於姥溪
祖阡之側而來請銘予母李孺人棲清之甥也予故
聞處士家法能世棲清先生之教以爲閭里勸因許
銘曰


昔漢石氏以孝謹稱父子篤行累世組纓猗歎施氏

施氏宗譜

廣振家聲書之墓宮以永令名

賜進士第中憲大夫河南按察司副使前吏部稽勲

司王事表甥茅坤頓首拜



順刊之圖而亦前論序其全歸人對靜之隱居行於

將文二曾將畏之守如善不以心眼以日養氣致發

少疑回大觀率坐太西人何友可樂可宗再接

雙美刃太守瞻察率及文一盡李思望並趨出符畏

外及悲升平與三廷守氣重世事

畏漁瀛散東亥十月二十八日出明美天陽空

亭召之林燈而命節振帶並指不受享羊法古而登

明都察院左副都御史贈戶部尙書謚忠介四明

施先生墓誌銘

治晚生黃道周述贈

崇禎甲申之難諸君子負氣節砥名誼無不死者而
浙東爲多浙東固多君子而四明施公治我漳宦績
獨著漳人聞國難則悲愴相告曰宗社卽有事施使
君其死矣已而果然信其教也 公死時猶在東長

安門聞 先帝升遐拊膺慟哭冠帶伏闕題其几曰
慙無半策匡時難但有微軀報 主恩遂投繯亦僕
遽解之少甦厲聲曰汝輩安知大義更進毒酒頃之
九竅血裂而逝嗚呼方公之在銀臺坐予株連罷去

及再治轉南通政陞辭疏四大事深切時政當上
意已出三日遣中使召還 上面諭曰南京無事留
此爲朕幹些要務因賜酒飯勞之推少司寇及司農
不下明春特擢副總憲公自以特立承主知無所圖
赧又寇警已迫樞密杜門匿牀下宰相團鑪取錢度
必死遂先一月遺書辭家人曰我身業已許國脫不
虞不必哀苦及賊至屢促張司馬厲兵固守飛檄召
外援至動色叱罵而去無何遂有三月十九之事嗚
呼張巡雷萬春異人者乎屢傾無所用一木爲猶憶
公之治我漳也五百里內藪伏情弊無所不悉又能

知其里貫姓名每有盜發輒曰此必某也着某捕之
立至無有鑿者所取士曰某常卽發某遲次之亦應
不爽治郡五年帥本道三年諸貪墨之吏率解綬去
無賴子弟扞文網者輒付之法無敢怨者方李魁奇
亂時躡濱海幾遍援往例請就撫公力持不可與鄒
璉悉力定之海外以安及劉香披倡鄭帥幾爲卻步
公繫其毋分錄其徒眾誘之海隅卒授首焉凡爲漳
築闕城鎮城三兩處皆不費庫錢民樂趣之應時而
具予嘗謂公以公材任督撫一二年可使盜賊駭散
邊圉不驚公適以病喀喀不樂外任也己卯從福建

方伯入爲光祿卿振竄剔蠹革中官占役者所省以
數萬計會上供米浥蛀請斲折白糧以佐司農中官
訾其徇情議奪職顧終不能違也初公在工部時魏
璫正熾以燄驅諸曹就已無免者有詔委公折北堂
尅日完工計當以侵損爲罪忽狂飈起北堂盡落公
得脫然時督琉璃黑窰二廠馬璫趨作獸吻欲依嘉
靖時舊式公苦無所得夢神告以南方數百步沙土
中備有之晨起發地果然於是稍遷屯田司卽中而
涂文輔以中官監督二部公恥爲之屈乃請降俸領
漳郡去嗚呼公不死於璫而死於賊不死於殉名義

而死于殉社稷亦其時數使然爾

下尚有缺文內載招撫鄭子龍八閩奠安事績及
拓負笈門下諸先達姓名等語緣 公之長嗣戒臣

以原版寄郡城伊岳魯恭先家被火焚缺本支族

子商九囑中補之以附家乘 中念 石齋先生手

筆何敢續貂姑存殘缺容訪諸四方君子倘得全

篇不妨續刻亦彷彿史關文之意云爾 豈池天中記

墓不而歸以清節之志云爾

豈非天中時

舉向郊野際故守與始容清節四式君子倫俱全


于商此饒中縣之以州案乘中念有百齋去主手

以泉源帝清姓母岳魯恭衣案斯火焚始本支前

出賢效門不為去致致各善臨終公文

冷不尚育婦女內輝隆無子重八開真安身贊又

而派于既折縣亦其和獲封然爾賊不死於殉名義



賀棲清先生七表詩叙

姥溪棲清施悅民先生茗南高士也以勤儉起家恢
拓舊業敦孝友崇禮義雅好讀書善吟咏諸子姪森
然玉立冢器肅之攝家政從子相之登鄉舉翼之聘
之游歌芹泮掇科有日良繇棲清之庭訓也成化間
奉

詔尙義輸粟錫以冠帶棲清不樂榮顯平居則角巾
素衣超然高潔夙出流俗人咸器之今年壽躋七袞
肅之倡率昆季設酒預速親友以爲賀里中童秋崖
輩繪圖賦詩爲棲清稱壽屬余爲敘余聞棲清華誕


仲夏四日今以孟春燈夕稱壽何耶蓋人生七十古
以爲稀諸子喜親壽及稀年情不能勝急於稱壽不
暇計誕辰之先後也况正月爲一歲之首萬物發榮
滋長之時維此春酒以介眉壽蓋欲祝親之壽生生
而不已也燈夕乃上元佳節慶賞太平之時也燈月
交輝載歌載酌蓋歡樂親之心熙熙於無事也預期
祝壽孝子愛日之誠有在余嘗讀洪範五福疇曰富
壽康寧攸好德考終命蓋五福不可必得人鮮能全
之棲清兼有之矣年躋七袞白髮紅顏田連阡陌陳
陳相因壽而富矣矍鑠康強樂善不倦修身以俟之

康寧好德終命矣五福既備樂亦隨之孝子賢孫握
觴戲綵羅拜於階下文人墨士圖畫賦詩歡慶於堂
上棲清處世之志願可謂足矣棲清擴天地生物之
心以爲壽肅之輩假萬物發生之時以爲壽所謂仁
者壽非耶將來遐齡奚止七袞黃耆餽背受天之慶
也必矣第以余言鄙陋不足以揄揚棲清作善獲福
之微妙肅之輩預期祝壽之至誠賴有諸君噴珠吐
玉發揮以足之余因秋崖請文之懇重以棲清締姻
之好姑書以爲羣玉之引

宏治十八年歲次癸亥孟春旣望

賜進士中順大夫致湖廣漢陽守前禮部員外郎里

文人沈熊書



之於... 必矣... 昔... 心... 士... 謝... 其... 命... 矣... 止... 而... 樂... 亦... 謝... 之... 季... 子... 賢... 德...

棲清公詩

首陽望望阻且遙

宗正

石門荒草寒蕭蕭
蒼苔溪山水

不用買

豪

桂林風月何須招
濯纓一曲滄浪裏

宗正

洗耳千古唐虞朝
眼底紛華總如溷

豪

呼兒庭下裁

芭蕉

宗正

南江倪宗正

棠陵方豪

真隱在塵世
翛然同太虛
柴巖栖別館
瑤席注丹書

秋渚林光靜
晴峯野氣疏
階堂賦伐木
詩禮訓庭趨

張仲賢名舊
王家蕙玉舒
百年堯歷裏
長自住蓬壺

白沙景暘

吾宗風雅實爲師笑倚白雲歌紫芝幾畝藟車春種
後一雙鷗鳥夢回時誤疑羊仲來荒徑更道岑家人
泮陂嘆息人琴俱已邈隔年笙鶴動餘悲

侃

故人來自茗溪東拄杖綠玉冠芙蓉自言栖止最清
處悄如野鶻巢孤松九衢車馬漲黃霧退食口常日
西暮開圖陡覺心目醒指點雲林認歸路解衣謝客
登竹床夢中鳴櫓游滄浪蜃緣水石轉村澗步履忽
到栖清堂屋前老竹暗天日屋後飛泉落蒼壁綠堆
桐子放鶴坡香撲蘆花釣魚石茶姻一縷古口間夕

寒紅葉漫秋山溪光靜處水禽下巖影倒後晴雲還
雙裾坐染莓苔色空翠霏微向人滴石床淨掃棊局
閒身在壺天九華窟樾駒齧草鞢鞞聲似驚風浪翻
圍屏起來勝景悵然失手版依舊塵中形故人故人
絕高致邱壑當知在胸次不然占據世外清造化何
能不深忌歸閒亦欲清境邊石田茅屋終餘年青鞋
不拒往來路子固道者予其仙

郡人陳霆

伊誰心跡澹秋雲獨愛詩翁寄興新灑灑池臺殊抗
俗交加梅竹足比鄰夸娥移石成仙島漁父尋源避

世塵泛泛碧蒼波浩渺亭亭蒼弁勢嶙峋筇枝晚步
風生袖花片春飛雪滿巾十畝菘租收顧渚一川蓑
雨夢玄真溪鮮斫鱸行厨近栢蟻浮香笑語頻教自
義方欣有子敬當偕老儼如賓賢郎祿養茶陵守喜
羨承顏桂籍人間訊江湖驚歲莫還期蘭杜及芳晨
句吳外史朱存理

至人不適俗托跡小有天朝與白雲遲暮蔭高松眠
壺觴詠泉石出處真杳然雅興恒若此何心斷塵緣
只有羽衣客時來談仙竝或共入烟羅萬壑千山連

海雲陳寰

韓子頌伯夷人清百世師孺子歌滄浪水清萬派基
君棲抑何居二者相追隨高風孤竹凜汪度千頃漪
遙騫離矰繳獨醒謝糟醅草廬巖谷間桂檝江湖涯
漱泉引細酌煮石薦香炊摘詞金鏗鏗鳴絃珠粲粲
茗溪老姥墩撫境足游嬉聖祖云可復逝者觀如斯
蟬蛻濁淖中皜然耿光儀

吳郡彭昉爲 同年施聘之

題其 世父棲清先生尊號

此老一邱一壑情菰蒲深處構軒楹風光物色無人
管併作茗溪一味清 其一

青山綠水白茅廬常對斜陽自撚鬚有此風情人不

識却從心外講唐虞

其二

物慮塵襟一筆勾濯纓亭下自藏修此身已是無羈

絆猶羨沙鷗天外浮

其三

華亭宋臣

濯纓亭下水漣漪罨畫樓前景亦奇東老遺風今日

在伯夷高節是吾師光風兩袖吹白髮明月滿天歌

紫芝蘭玉且教成 國器未容通詠考槃詩

長洲沈杰

聞說棲身處軒居清有餘竹風涼枕簟松雨潤琴書

小飲月相對幽眼雲與俱故應知者少久已世緣疎

平洲生張傑

迥絕山水窟幽然莫此身泥波揚濁世冰蘖企前人
鳥送鉤簾曲花昭傍竹鄰平生貞白行不污薦書塵

嘉人邱龍

泉石幽潛迥絕塵先生原不厭居貧數竿修竹朝烟
冷幾個貞松晚節新浙水源頭求靜老蒼溪林下養
高人紛紛利欲應難縛釣月耕雲趣自真

... 德心外...

... 人...

... 谷...

... 泉...


... 澤...

... 崇...

... 自...

平德主

... 公...



南村府君諸贈言

詩

竹屋煙光沒林肩曙色新池塘千古意畎畝百年心
吾道原非在幽蘭未可絰君今三作郡棠蔭愈森森
南村令弟西亭與予同舉禮闈西亭大成而未
竟南村小試而正銛偶託題卷輒爲賦之

嘉靖辛卯夏

東膠膝謚書

玉湖清且遠茅屋占湖隅農圃小人事詩書我輩謨
東海符新剖南村夢故吾畫師文待詔可並輔川圖

卽墨藍田

少府城南屋喧囂耳不聞房櫳涵野色齋閣宿溪雲
世業饒桑稼農談亦典墳卜歸猶未得悵望幾斜曛

又

村舍鄰茗雪風光畫不如繞垣千挺竹充棟五車書
花氣蒸衣暖溪雲落檻虛卜鄰吾有意與子話田漁

南林舍後西亭與子同舉夫椒山人丁致祥未

卜築幽居正向陽遶居喬木拂雲長湖頭菱芡新收
稅門外桑榆舊蔭墻春日漫遊觀物化春風時對理
琴囊西鄰醉後還乘興又過東鄰覓酒嘗

南林舍後西亭與子同舉

藕塘秦鑑

南村風物近何如水映青山竹遶廬一塢桑麻聊卒
歲數家鷄犬自成墟地偏見說無留轍耕暇還堪讀
舊書爲擬主人多許國莫緣幽興賦歸與

徵明

練溪溪上饒風景半入南村養素園客至野航迎渡
口漁歌江鶴過橋門詩壇棋局消塵慮瓜圃書籤遺
子孫畫錦他年尋舊伴西亭喜近鶴領原

候官林鏢

瞻彼玉湖水上有嘉樹林臯蘭被幽谷谷口靜且深
佳人結茅宇清曠遺世歆修畛蔭長川陽坡連孤岑

橘柚垂秋實桑柘成夕陰來去見春鳥寂寞聞泉吟
山川既以別風俗亦殊今主人遊其忠心跡雙悖悖
乘興自浩歌鏘然金石音門謝俗士駕二仲時昭尋
謁來事 明王聊試幽居心袖中練溪水灑作春空
霖起視南村樹依然鬱森森卷中寫其似永懷不能
任不任一展卷展卷亦孤斟此意詎能知庶幾智者
謀

膠東官一夔

南林風陣送何收水如青山竹幾重一似桑林曬卒

南村施邦伯八秩雅社稱壽詩圖序

平度守南村施公致政林下爲峴山雅社逸老堂第
三人嘉靖壬子年躋八裘誕辰值暑月廼於春社會
後移酒郡城就臨溪厰樓開晏張樂預邀同社歡飲
眾皆卽席賦詩稱慶篇章輝映而賀意殊未愜也社
例凡年及古稀壽登大耄懸弧之辰謂之大生日同
社皆繪圖作詩具儀登堂致祝盡歡一日前四年秋
宮保石菴蔣公壽八裘行之後一年秋司空南坦劉
公壽八裘亦行之又後三年納言石川張公壽七十
誕辰值臘底且隔省亦移罇郡城橫塘之鷗盟堂晏

會蓋畏大寒不欲勞遠來與南村公畏暑意同諸公
搦管伸軸將爲祝□□□躬啟曰諸繪圖聯書遲春
和登堂報禮何如僉曰善乃哀金授丙丙繪圖成編
詣諸公請書所作又詣大司寇若溪顧公請爲序以
筆硯从疎辭復詣南坦劉公請公以小恙方戒思索
且以丙爲知公之素力命專之丙奉命惟謹第未幾
丙亦邁疾三年未獲伸比乙卯歲得畫工休寧汪氏
子繪圖裝潢成帖丙以久病胷臆榛蕪無可敷叙若
夫南村公之醇德飽學宦績鄉譽義方成子信義篤
交虛懷應世居易樂天諸凡盛美諸公掄揚盡矣綴

稟呈坦翁翁曰第書之俾無餘楮剩素

半谿李丙課

詩

吳下分明有地仙早辭五馬卧林泉
流光過眼八千度秀句驚人三百篇
謾擬後車徵呂望已看經學繼
韋賢峴峯深處耆英社歲歲窪樽獻壽筵

答溪顧應祥

記得禪關笑遠天天天生色本金仙
文華燁燁推三益襟度飄飄上七賢
龜著禮樂嘗摩軌鷄犬圖書不繫船
壽域堤攜期並人不知丹訣幾時傳

南坦劉麟

大姥溪環小洞天功名回首學神仙
風花雪月年年主詩酒琴棋事事賢
劍履可拘三島客筆牀偏稱五湖船
長生已有真詮訣繼武還看宦譜傳

半谿李丙

小樓存樸看樓中鋪設靜無他
物藥裡書籤名筆畫輝映瓊窗瑤壁
酒熟頻斟詩成重詠消受風花雪襟
懷夷曠膝前雙玉尤傑谿叟誼屬通
家計偕北

幾伴舟車發回首林泉俱老大
相笑雲烟興滅八上表康強一團和
氣童鶴□□髮桑田滄海任教東日

西月

右調用蘇韻百字令 半谿李丙

姥溪溪上散神仙
炯炯方瞳空物東
土名邦勞牧守
遺頌至今鐫壁未老乞身尋幽寄跡樵釣閒雲雪吳
興耆舊社中騷雅推傑
爭羨良治開先義方啟
後相繼天香發八十年來逾矍鑠塵慮凡緣俱滅卷
溢新詩甕浮旨酒分付蕭蕭髮壽筵清筴一聲吹上
東月

南坦劉麟

逸老堂邊朋壽臺
風光人擬似蓬萊
仙曹杖履當新

集壽域樽罍接社開陶徑風清歸五柳荀堂丰采燭
三台自憐海屋添籌者鶴瘦難乘獨後來

練塘陳良謨

讀書萬卷識玄微東魯專城早賦歸纓濯姥溪栽秀
句樓團古樸蔭餘輝一竿風月姜公釣萬里雲霄萊
子衣兩社追陪空我老共騎黃鶴洞庭飛

石川張寰

解組歸來事若何飽披風月卧南坡呼兒日辨黃花
課醉客時翻子夜歌繚繞祥光團翠戶慙慙仙佩下
靈查碧桃樹底聲如許願得從君百遍過

一菴唐樞

朋壽臺高孰與齊
高人還並此中栖
了無涯岸牽時態
惟有吟哦示薄批
丹桂昔曾探月窟
紫芝今日作蒸藜
年年此日瞻天象
南極輝輝照姥溪

雙橋朱懷幹

高年繁社世應難
晚節如公羨獨完
喬木樓臺存古

樸

公有存樸樓

清香庭砌藹芳蘭
沉冥世故惟杯酒

料理生涯只釣竿
更愛江鄉真味足
蓴鱸香美入盤飧


石岐吳龍

朋壽高臺碧浪邊
歲徵雅社會心玄
五圖九籥登仙

錄鶴算龜齡老後天水口柴荆陶徑古謝庭蘭蕙姥

墩鮮躬逢盛際蟠桃宴額掌稱觥介倅佺

郭南孫濟



Faded bleed-through text from the reverse side of the page, including characters like '子衣', '高', '郭南', and '孫濟'.

西亭府君諸贈言


贈施御史序

崔銑

漢士之言曰文章緣飾吏治夫文者言乎其著也治者言乎其加諸人也德者言乎其蘊也文以德而醇治以德而美夫緣尚領之謂緣采賁物之謂飾是異質而相成者也昔者夫子之論孝也始於身申於刑天下終於制禮極於配天而通神明是故文治之分自漢始也夫工辭辨之習鄙吏爲俗習法術之言陋儒爲腐浮靡之害作而忠恕之道微是故文治之壞自魏晉始也拘於時夏蟲則疑冰矣安於故鷦鷯則

早棲矣限於地舟則不達於貉車則不適於粵以業
从必思變思變必求異世更則事舛事舛則禮亡興
於大變之後考夫已亡之禮亦已難矣今夫士之相
與善也以書告者不若語以語人者不若色以色徵
者不若心故遠則慕近則襲聞則億見則卽是故道
之失世隔之也世之降人移之也傳曰君子之道本
諸身百世以俟聖人而不惑也余友施君聘之將南
巡余思所以贈君君溫而文沉簡而斷日者余諗君
曰君按塞將所答若而人所劾罷若而人君曰事輕
重均則權其急害大小均則權其深今之將悉以賄

成也數更之則求代者愈重賄諺曰飽虎厭肉饑虎
噬骨予故威之以待其改感之以移其欲於乎余箴
有以贈君矣



祝允明

朱存理



...不若心故遠則慕近則慕則倫見則即是故道
之失也... 世之降人務之也... 傳曰君子之道本
... 以俟聖人而不惑也... 余友施君聘之...
... 矣... 而文... 日...
... 效... 以... 於... 余...
... 之... 分... 愈... 日... 矣

西亭公詩

投贈西亭

暫息鯤鵬翼來同魚鳥游
街衢方病暑池館已悲秋
瑞沍三微露高瞻八詠樓
辟疆園故好鴻跡幸深留

祝允明

野老陪高讌林塘足勝遊
十年懷舊雨六月接新秋
醉覺風生座吟湏月滿樓
樽前憐侍立一曲爲淹留

朱存理

吳門山水窟是處足清游
深醉寧辭晚微涼欲近秋
千年憐謝屐百尺仰陳樓
斜日懸高樹因君更少留

千平對博氣百只叫刺數餘日烈高林都穆

友道孚貞德新交即舊游話深晨入夜襟爽暑更秋

聽雨聯陳榻登高共庾樓每辭官裏酒一笑為茶留

酒覺風生逸令歸日蕭蕭數嶺前對詩立錢貴

宰相曾公亮文章秦少游量宏三峽水氣壓九天秋

曲江花下馬長笛月中樓綦履經由處歌芻願暫留

蘇試三燈照高閣八有對報盟國姑我唐寅

勝地來高士門墻總貴游詞源三峽水襟抱一天秋

泛月同攜棹瞻雲獨倚樓何當歸興發空有白駒留

西亭公詩

長洲王倅

奏策公車志未酬吳門聊復寄優游
千山詩思蕭蕭雨一榻閑情淡淡秋
樽酒自歌招隱賦壯心都屬望
京樓買臣嚴忌今零落何事相如
兩歲留司馬相如爲郎見吳人嚴忌
朱買臣而悅之因疾免從之遊居數
歲乃著子虛之賦

長洲文璧

簡施侍御聘之

欲扳御史新驄馬擬脫仙郎舊錦袍
五色文章真鳳鳥百年功利一鴻毛
當爐不愛燕姬少倚瑟翻驚越
調高二十年來空落魄風流今已愧人豪

何景明

埋輪

漢道昔不競皇綱等淪淵赫赫大將軍巍巍冰山堅
不有忠直士伊誰抗其權大哉張夫子力欲回蒼天
豈無四海憂重爲根本憐埋輪志何決震攝豺狼肩
使君當世英千載心相連持斧遠行邁氣節凌山川
不待今埋輪直道世久傳送君令人感贈君尺素箋
行歸誰云難道義自我全願言□□力慷慨師前賢

濟陽登太白酒樓却寄施湖州

昔聞董糟邱嘗爲李白天津橋南造酒樓人間二子
不可見惟有傑句挂余心肺爛爛珊瑚鉤長安風沙
住不得南歸再卧蘇臺秋泊舟濟陽城買酒銷客愁
登樓拜先生進爵澆黃流知章不語先生笑飛花亂
撲過樓頭金陵更無鳳凰遊岳陽莫將黃鶴留鄉關
浮雲蔽落日題詩却寄施湖州余爲先生牛馬走湖
州乃是賀老傳西塞山杜若洲與爾相期釣鰲去干
年江海同悠悠

祝允明

懷施侍御聘之

行藏踪跡只浮雲一種神襟爾我形清角痛悲鳴
口黃鍾力挽向虞廷丹山鳳去尼邱歎柴府龍歸雪
水靈昨日書來淚盈把南溟心事到東溟

懷施侍御遂贈二首

祝允明

崇堞倚紫冥丹譙摩空青城中樹稀無鳥聲昨日聞
公入朝列相思一夜腸欲絕古人不可見今人交多
面古人千載只可慕今人可慕難可遇君離越王臺
吳王臺下來執手一徘徊銷盡萬古胷中埃與君交
昔日一日一日益交君未渠央我長不可極

嶺南古松氣森森如君此時之古心蜀山樵梓幡天
回如君卓犖之奇材文章黼黻溟海深令言徽行貴
兼金天子策名作進士選眾舉爲侍御史巡行塞徼
安遠人諫諍朝廷厲風紀餘力千詩百賦成四散江
山被繡綺丈夫行道志大申勲名祿位從此始

人日西亭見訪

老眼相看倍覺親東風况復歲華新寄書憶折梅花
月展席留開柏葉春十載烏臺傳盛事一封丹詔
起幽人獨慙問俗曾無補竊食微垣又幾旬

劉儲秀

夫日月邁於隙駟居處限於風牛是以詩有契
淵之傷騷致莫愁之嘆叙既往之密歡冀方來
之新晤作十懷錄一

施憲副聘之

施公挺蒼雪英譽藉九州旣欽文翰工再識吏事優
混俗間清濁奉公來謗讐落落千丈松邈焉真寡儔

袁表

宿古樸樓贈西亭七丈

丈人宅子茗溪濱余亦乘舟訪隱淪高樓遠望見百
里古樹濃陰遮四鄰隙地種桑知有利薄田栽芋豈

憂貧細談往事傷心極江海棲棲媿此身

袁 表

舟經苕溪奉懷高致西亭先生

百里經口有所思問君城市少來時料應詩酒陶情

處明月清風是故知

天目山來勢若奔若南若北水邊村 聖皇有詔求

遺逸未許高人穩閉門

大日川通處險阻居處限於風牛

...

...

離散未逢海人登閉門

天目山來漢管交昔南昔北秋幾林工野皇康歸來


或即且音風長姑喚 謂曾落落千丈松遊焉真真

百里露口有湖恩問昏疑市少來胡林飄檣斷關詩

長強春樂奉對高燈西亭去坐

夫人宅子若欲後余亦乘別訪 遠望

憂貧賤幾去車謝小蘇正商對對鏡出良田對芋豈



鄰溪賦

費案

歸邑施君克廉肥遯士也居姥水之湄將欲隱其
姓字遂以鄰溪爲號蓋取六一山泉爲四鄰之意
是其出塵絕俗視世之齷齪者爲可鄙噫微斯人
吾誰與歸於是爲之賦賦曰
粵予溯碧茗兮過姥水之濱羌有逸民兮與谿爲鄰
嘅夫三鳳翱翔兮爰及後塵甘閭寂兮髮皓如銀顧
茲一壑兮窅而僻就西偏兮廼卜宅買以百萬兮不
吝恒洽比兮闖首相覲漱有石兮枕有流相友相助
兮有亡相求知雄守雌兮思匹休齋茲澄深兮映彼

高邱日出兮煙雲橫霏歸兮星月明右噓兮左騰鼉
逢兮暮迎始東皇出震兮於時爲春岸芷汀蘭兮叢
翠萼萼魚龍變幻兮桃浪流新泉香酒冽兮洞酌惟
親暨祝融南來兮時乎爲夏蕖荷夾岸兮菱芰滿汜
異牂牁兮凜可詫司濯熱兮漏無罅或蓐收西至兮
於時爲秋菰米霜凋兮蓼花煙浮坐消搖兮蓮葉舟
行如天上兮人境俱優至若白帝北臨兮旨乃爲冬
藏萬彙兮冰玉玲瓏滕六下降兮渺無蹤獨垂釣兮
蓑笠龍鍾四時朝暮兮迺爾情如一日兮抱終始在
彼澹泊兮不詭靡在此敦龐兮邁貪鄙居相似兮行

相等埒駢然並止兮聞者駭愕芳接孟氏兮顏其無
怍踐尼父之不孤兮德其有恪猗彼五家兮猥刺刺
以謹呶茲則有容兮嘿焉以交深砒淺揭兮隨所遭
含垢藏疾兮笑所褒蘋藻采兮妥其神只鱸鮓羞兮
饗其親只鳧鷖集兮賓下樂只萑葦取兮嬾下勤只
澗毛異等貢篚包兮璜玉入釣爲之兆兮濟不濡軌
戒有別兮夜不舍晝示顛道兮曰靜惟性理窟乃定
曰動惟情欲波不興感應之妙無物不照委蛇之形
有龍則靈潤足以滋兮有澤物之仁力足曰決兮有
制事之義盈科後進兮有君子之禮脈絡分明兮有

鄰溪公詩

定海高淮

汎濫從天目清流溢四谿高人無俗想大姥此幽棲
生事憑戲釣雲霞縱品題青簑深歲月白髮友鳧鷖
水檻魚知樂松舟路不迷庭花分水映汀柳拂簷齊
未必誇王翰由來勝灑西價高逾百萬地靜寡輪蹄
菱芡充盤菜蒹葭接稻畦真成機事息鷗鳥未須疑

華陽山人余津

小堂僻寂谿爲鄰谿水曲曲桃花新古槐高柳自成
壑沙鴨野鷗時近人邵園瓜熟足生計蔣徑草荒無
雜賓一壺濁酒日多暇閒坐漁磯垂釣綸

胥臺山人袁袞賦

野遁忘形蹟邱居一壑西樓臺差近水門徑直臨隄
魚藻涵庭樹鷗□欵杖藜相依情亦密回首謝輪蹄

其二

茗水吾宗數德門卜居南北自成村累朝科第衣冠
盛百畝園田古樸存奕奕箕裘稱令子翩翩文藻見
賢孫高情只合長邀客坐對梅花倒酒尊

濼齋公詩

宜齋高齋

梅池府君諸贈言

附誌狀

宗弟峻

詩

池有梅梅之隰兮匪沕匪均貞迺植兮勁節弗渝幽
人若朋兮志以相胥幽哉幽哉澹然蘧廬

池有梅梅之榦兮挺挺碩膚梅之葩兮有瑩其珠梅
之華兮有馥其區玉壺冰鑑方以自譽

池有梅梅之標兮良日凝酥時旣衍兮穆風其舒幽
人樂之貞如潔如

池有梅梅之水兮內陽中虛合英下上兮相映扶疎
旣清旣馨兮桃李以墟繁華委謝兮幽人實徒

歸安施君與吾兒同舉於鄉君之翁雅志清修慕
逋老風致種梅池上自號梅池逋叟今西湖孤山
林舊蹟尙存而羅浮之夢傳者幾十世湖海芳流
潄以爲池而古今夢蹟難論真妄要相蕉鹿耳此
意翁自得之孤山羅浮不在古而梅池不止爲今
矣

嘉靖丙寅仲冬長至後五日孟河馬一龍書贈 梅
池翁

幽人結交者池上有疎英索咲寒雲影題詩白雪情
乾坤餘澹素水月共孤貞子綻春風後宜調玉鼎羹

含齋曹大章

何遜懸情江上洲
山翁高隱雪川頭
梅花千樹雪初
白碧水一池春
欲浮笛外天風僊
調冷尊前霽月聖
香幽卽君况是青雲侶
玉樹遙瞻五鳳樓

寒洲雨共數暮未終
詩更年家眷姪范應期

一種奇葩發天根
一泓清水通天漢
自從仙子悟元
會年年近傍瑤池燕

吳江杜偉奉壽
梅池翁

誰識仙翁侶
翩翩下太清
吳天閒舞鶴
朔雪見飛瓊
夜月疑神往
春池稱影橫
莫教蜂蝶悞
留取作和羹

吳江沈位

謝眺池頭水春來清更幽寒光疑隴蜀香氣入羅浮
窈窕花如玉斜陽月似鉤好乘黃鶴去吹笛下峯頭

吳江沈倬謹題

幽花植池側高逸此徜徉清淺含疎影依微遞遠香
歲寒應爾共遲暮未須傷更喜垂嘉實和羹可佐商

吳門黃姬水

雪霽銀塘曲瑤花一樹開波明寒影隨香細晚風迴
恍遇逋仙宅誰將羌笛催卽看芳子結和鼎見殊才

江左周天球

聞翁考槃處匝水秀寒梅一夜寒塘雪紛紛鏡面開
池上梅偏好池清梅亦清無分開與落並有可鄰情
蘋末來長風波心上孤月參差疎影斜澹蕩寒香發
池梅旣爛熳池水復漣漪總勝西湖上林逋昔未知

許承國

石林茅居隔人寰池上梅花自好顏玉萼先春露消
息鐵龍拖月下潺湲獨憐瘦影窻前立漫把新詩醉
後刪籐杖綸巾清入夢百年風景一孤山

璉川峻

粵有梅山迺昔隱吏子真之所棲芳名千古山與齊

投閒野老獨好古
插梅池畔游且他
瓊英片片香雪
墮冰肌玉骨纖無
墜歲寒松竹幾多
友洛陽桃李不敢
爭春魁嗟哉子真
去莫追清風常在
池邊梅梅池何深
漪梅山何崔嵬山
池隨地適我襟古
人先得今人心但
願此池此山長此
名翁亦再見誇嚴
陵

在川朱緝

池館先春暖梅華
共雪明玉肌沙月
淨仙影水雲輕
東閣裁詩興西湖
載鶴情清游臨地
鏡羌笛已無聲
習池風韻浩無涯
池上梅開樹樹花
糾錯寒枝交曲

心山趙金

岸參差瘦影落平沙翠禽聲斷雲浮夢白鶴亭空夜
煮茶莫謂于青泉水沒調羹早已屬商家

南海黃永

一鑑天開涵靜碧垂垂玉樹壓羣芳疎枝影落銀河
淺細粉香流太液長月鏡臺空凌瘦骨冰壺水冷浴
霓裳逋仙自許清吟伴花下時逢掃石床

東明鄭賓

東閣仙人愛濯纓凭欄脉脉水零零冰壺色映鉛華
淨天鏡光浮素服輕雪霽雲澄肌骨冷月明沙白夢
魂清逋翁載鶴時來訪相對題詩合有情

澄洋徐大川

見說林逋江上幽江中不許野
花浮疎英影落寒潭
淨碧玉香催晚笛悠瑞雪不封春信早清波應向日
邊流月明共飲羅浮肆獨聽歌聲出樹頭

沈泗春

梅池篇贈施少府

尊大人封君梅池翁

有美有美梅池人邀我共作梅池篇梅池清遠不可
到使我東望心茫然池之源出何許具區茗雪相勾
連梅之根托何處傅巖石畔羅浮顛美人移梅植池

上清光瘦影殊堪憐暗香浮動黃昏月疎枝掩映清
冷泉美人工築池之邊尋詩索笑梅之前一枝已報
江南信名魁常占百花先其實三兮復七兮傾筐滿
注何勻圓小者青青已不復如荳大者燁燁疑如大
華峯頭蓮用以和羹佐商鼎薦之清廟登寶筵能壽
殷宗九百有餘歲碧桃浪說年三千我聞騎驢孟浩
然雪中蹠蹠垂雙肩又聞放鶴林和靖孤山一夢徒
空懸誰似君家實堪食黃金碧玉相新鮮阿那孫枝
迸出地扶疎老幹能參天知君無忘昔日酸由來苦
盡能生甜甜酸甘苦不足道澹然如食水中鹹却憶

寒厓慙冰雪相將畫閣凌雲煙君不見魯施二子生
絕竒好文好武如家傳又不見施匄二子傳遺經友
直友諒人推賢種梅美人歸何處蒼虬紫府天行仙
玉清冉冉參鸞馭口金誥輝輝來鳳箋寒花倒影清
波底鐵笛吹殘越江水蕭然三徑有餘清翠竹蒼松
疇與侶太湖幾見桑田乾梅池池邊花開花落長如
此

前武部郎毗陵通家晚生龔道立漫題 時歲

在乙未陽月之穀

四時代謝成功去吾齋好客長神遇勿作王相李勿

作潘令桃霜顏勿換珊瑚樹千丈材堪帝室梁五粒
脂凝仙掌露歌闌夜半月中天默默無言勇真趣

嘉靖乙未春三月上澣日四明進士懷葛向洪邁題


賓松號四歌

松之春金谷園中爛五雲和颺忽送清馨至一笑相
看我幅巾嗟峩長袖似離羣世間誰是衛將軍

松之夏亭亭幢葆懸霄掛招鶴烹茶午夢醒微涼輕
拂深屏畫何勞虛左迎車駕魏有信陵齊稷下

松之秋落葉黃花蝶也愁試捧瑤琴延漫坐聲傳高
妙漢青樓伯牙鍾子若爲酬不到離宮盜白裘

松之冬雪滿江山萬宇空袁即幽卧門羅雀獨對虬
髯更整容憐渠不與勢汚隆冥冥孤標烈士風



將采... 畫... 樂... 空... 吸... 車... 滿... 庭... 自... 誰... 如... 變... 野... 不... 行... 仙...
... 公... 夏... 亭... 亭... 動... 蘇... 憩... 香... 樹... 臥... 懸... 素... 子... 寒... 獨... 於... 臥...
... 香... 拜... 巾... 墊... 疑... 疑... 醉... 如... 鞠... 羣... 世... 間... 藉... 銀... 滿... 湖... 軍... 蒼... 松...
... 公... 之... 春... 金... 香... 滿... 中... 殿... 正... 雲... 雨... 飄... 忽... 送... 龍... 響... 在... 一... 池... 笑... 卧...
... 蘇... 外... 照... 四... 照

... 未... 春... 三... 民... 土... 籍... 其... 四... 世... 裝... 士... 對... 萬... 向... 其... 際...
... 湖... 鏡... 俯... 掌... 覆... 耀... 闕... 交... 半... 日... 中... 天... 想... 想... 無... 言... 良... 真... 憑...
... 於... 翻... 余... 淋... 誰... 敢... 於... 懸... 懸... 誰... 垂... 步... 林... 射... 帝... 室... 架... 正... 迷...

施氏椿萱具慶圖叙

吳興施氏悅民以隱節高於林臯而其諸子方仕顯
於時蓋公有四子曰儀曰佐出稽夫人曰佑曰儼出
貳室陳夫人佐佑皆掇科名佐授知茶陵州佑自

京師省試歸省於是公年七十有八稽八十有二矣
佑乃作椿萱具慶之圖持還寓祝而假詞於允明夫
椿萱寓言爾如天下之具慶者亦多矣皆足重乎其
亦有間也已親不必壽而偕康子不必貴而足養亦
具慶矣然而非其至也以情也親壽而不必賢子貴
而不必孝亦具慶矣然而非其至也以事也必若親

壽而且康以賢子貴而克養以孝斯具慶之足重者
非道而何夫施氏之情若事可知矣其道又誠過人
如公抱澄朗之姿高逸之氣居名山川中以棲清自
稱有山陽仲氏之風夫人嫔德偕老茶陵與進士及
諸舅季皆穎秀彥碩爲龍光於來者源源焉嘻饒是
道也乏事與情且可曰慶而矧兼之抑有道而失事
者寡矣有道而無情者未之有也凡道者萬事之括
行之家而家肥獻之國而國瑞達之天下而天下與
被其福贊之天而天弗違焉是故施氏之祝可必也
蓋握其括而萬慶從之

正德六年辛未春正月既望

京闈鄉貢進士祝允明叙翁也肆於野

飲好吟教倘者修而遁名避位今年蓋

昔之君子位卑名胸必養壽焉匪徒天乎也必有邦

彰之善焉邵子曰爲善於國無若爲善於鄉爲善於

鄉無若爲善於家鄉之視家疎也國之視家遠也人

半爲於疎遠而眇於近戚者必有所求也是故無所

求而爲善斯爲善矣是故國爲善者多遠而後位鄉

爲善者多近而後位國

爲善者多遠而後位鄉



壽棲清翁

棲清翁者御史施聘之伯翁也肆於野弗履城府樂
飲好吟敦尚耆修而遁名遺位今年蓋獲八十二矣
昔之君子位卑名晦必獲壽焉匪徒天年也必有弗
彰之善焉邵子曰爲善於國無若爲善於鄉爲善於
鄉無若爲善於家鄉之視家疎也國之視家遠也人
率篤於疎遠而眇於近戚者必有所求也是故無所
求而爲善斯爲善矣是故國爲善者多達而獲位鄉
爲善者多逸而獲名家爲善者多晦而獲壽夫壽也
者天將以彰弗彰之善者歟聘之曰儒也蚤孤少也

伯生之長也伯成之伯也儒父也儒也伯子也儒所
 以還也然伯也將升上壽又有二子皆立且薦也是
 伯之善也夫聘之南按江甸過家壽翁以余友好而
 俾敘列其事

正德十年乙亥春二月二十有五日本族宗室中人
 賜進士徵仕郎中書舍人汝南何景明撰

壽對壽餘

贈施石岷先生陞濟寧州學正榮任序

吳興南大郡素稱多材孝豐其屬邑也頃予觀風其地顧山溪之勝意其光英冲粹之發人材必有迥殊方內者謀其所以咨諏之適以憂制解任歸而未及也無何施君石岷以太平訓導陞鄱陽教諭訪於山中見其舉止冲然有儒者風庠友相慶爲得師則施君之賢可知而吳之多材可見也今年秋七月天官卿陞君濟寧州學正庠友戚戚於別謀所以贈行者而屬言於予予曰朝廷設官分職自公卿百執事皆可雜以他材爲之惟教官則不可蓋教官師儒也

儒以明道師以敷教其責任重大非他職事之未易
稱者今承茲命據師席爲一州人矜式風化之興
廢人材之盛衰所係何如施君可不勉哉雖然濟寧
古齊魯域去聖賢之居甚近恭遇皇上壽考作人
神化所運卽疎逖阻深罔不從欲惟又矧畿服聯屬
之地衣被尤溼者乎君以施於二邑者移以教之其
教易入其道易明其人易於造就其志節材美易於
表見予他日北上過其境風化之興人材之盛必有
可觀者矣若曰如何而教則蘇湖之教在君故鄉可
考而知也且今督學齊魯者吳君寰君鄉人也博洽

而能行古之道必有以語君者無俟予言之贅也是
爲序

嘉靖三十八年歲次己未七月

賜進士第監察御史騏山羅元禎拜撰并書



現新施社兄六秋將應請同人望余一言以佐
東爵余請仲舒曰現翁乃還六十也乎洵歲月
之如流也六十年中升沉聚散如彈指頭而少
者壯壯者老果自有山河之異矣顧天下之知
者亦有過於余者憶余初上公車時士氣鬱鬱

古齊魯地去聖賢之邦甚近奉選
 神化所運即疎遠阻深罔不從欲惟又矧設服聯屬
 之地衣被尤溼者乎君以施於三邑者移以教之其

聖學之士... 聖學之士... 聖學之士... 聖學之士... 聖學之士...



奉祝

大詞宗珥翁社兄施老盟臺六秩壽序

中元後一日甘霖初澍北牖涼生與陳子仲紆
相對抽架上書閒評往事適有客自練水來云
珥新施社兄六秩稱觴諸同人望余一言以佐
康爵余語仲紆曰珥翁乃遽六十也乎洵歲月
之如流也六十年中升沉聚散如彈指頃而少
者壯壯者老舉目有山河之異矣顧天下之知
翁寧有過於余者憶余初上公車時士氣猶尙
敦樸相聚惟以讀書攷行爲事先輩推重姚承

菴先生談經味道座多賢者世所公以臺臣侍
側恂恂肅肅雅負物望余時見翁於其塾中穆
然有靜氣出制藝見示敷華落藻皆中理解淵
源問學知發越於疑問者多也翁自以高才博
學俯拾青紫閉門謝俗畢力研劇制舉之業一
經口授手削□有楷模卽能名世遠近朱門爭
相延歛設皋比絳帷以邀翁馨唾不啻如明珠
大貝照映璀璨也數踏省門不得一第翁坦然
無有幾微怨色申酉間余備員司馬翁亦授經
白下相與往來素心酬對時當鼎革道路荆榛

垂白高堂倚門極目翁乃青鞋布襪間關徒步
而歸從此謝徒高尚無復再出之志酣神北阜
藉春渚而忘懷偶影南樞坐秋林而長往其丰
神韵致縹緲在冰壺玉立間一織塵鞅不能羈
勒余嘗欲以古人擬之王文中教授河汾終身
不仕而弟子薛收李靖之徒從龍將相皆出其
門近見閔子綿季施子子稱茅子昇扶輩咸青
出于藍才名嶮嶮矣蘇明允博極羣書未邀一
命軾輒二公接武高第一朝父子名震京師今
香城文采映帶鳴卽驚人矣太夫人年躋九秩

老萊子班衣戲彩甘旨承歡怡怡如也昨年乃
自營一壽藏司空圖春花秋月忻忻如也挾策
遊嬉白樂天廬山草堂賦詩飲酒遜其遇而同
其高龐德公襄陽隱居前耕後餉無其勞而有
其節如我翁者豈易得哉今忽然稱六秩觴滄
桑夷險閱歷已多宗族交遊奉觥介壽一堂之
上皎愛日以流光麗明星而開照自顧生平敦
倫嗜義無愧心事力辭趙幣不居譚咲之功師
表東都競佩汪洋之度少也堅苦刻勵不問家
產今城南二頃足供伏臘近市數椽足蔽風雨

茅廬晚舉一雄珍如拱璧足娛膝席牀頭酒甕端如
七言貫珠足克嘯傲翁殆天地間之完人歟吾黨亦
侍以復有幾人耶仲紆曰此真知己之言也請付彩
風雅毫以永金石亟令青鳥啣之就正於壽者

順治辛丑孟秋穀旦年通家眷弟李令哲頓首拜撰

微者易請高者難屬故也我

國朝以來何李諸君子翩然唐名流間然得其至者

若司諫唐荆川輩亦間見矣近得施青州所作讀之

音響激宕誠與之上下而唱和者乎

覺也

自然一書藏河空圖春夜秋月析

遊矯白樂天廬山草堂賦詩飲酒適其遊

其高風德公襄陽隱居前耕後餽無其勞而有

其節如我翁者豈易得哉今忽然稱六秩應論

則命辛丑孟秋燥旦手紙來眷弟李命晉贈首拜

事以赤金百通命青嵐脚之煎玉勿壽香

對育幾人限中錄曰出莫味日之言出請甘淡

貫疑到夜翻遊餘欲天世間之哀人鴻吾黨衣

細舉一物冬暖共望以點熱熱嫩更既廣微吹



茅鹿門先生題七言律刻後

七言律起唐初開元大厯間惟王右丞杜拾遺高常侍岑嘉州劉文房爲盛他如孟襄陽韋蘇州輩五言風雅夷曠可謂希世之音及爲七言則疲矣蓋五言聲短而氣平七言聲長而氣縱其才之所及譬之歌微者易諧高者難屬故也我

國朝以來何李諸君子翩然唐名流間然得其至者若司諫唐荆川輩亦間見矣近得施青州所作讀之音響興寄誠與之上下而唱和者予謂必傳於世無疑也或以青州才軼而氣盛卒不及究用爲恨雖青

州亦或酒酣嘯歌談涉當世輒踔越感慨徃徃及之
 嗟嗟不聞古之彈鋏而擊筑者乎彼其中有所負而
 不得抒故憤懣慷慨發之為音節愈以工所以涕常
 時而悲後世者愈以遠也青州其聞予言而領之否

乎音長韻高音變風出於

聲發而聲平小言變是而聲鹿門山人茅坤識

風無夷則可謂新世之音又為小言限幾矣蓋正言

詩也嘉州陳文昆流盤山以孟襄國李穡詩贊正言

小言勢跋書陳開元大烈間耕王古丞出餘登高節

裝風門尖半韻小言勢跋

施氏昭德編乾集叙

余自家食叔祖諱箕者雅著文行久饒學宮嘗緝
海內名賢與曾叔祖憲副公往來文翰及諸薦疏
銘誌之類爲昭德遺編入刻矣因示余曰棲清府
君允稱古鄉先生贈言銘誌亦盈簡帙汝盍輯爲
冊前編以垂不朽乎未幾余叔祖下世余以謁選拜
恩理官游東粵已而量移郡貳來建州未暇也時從
公餘稍爲闕次蓋自吾高祖棲清公而曾祖而祖
而父爲施氏大宗一脉相傳代有懿德前作後述
以聲稱州里間並見贈詠銘誌爛然可睹且棲清

公雅善吟咏每以躬修實詣發爲篇什彬彬質有
其文迄今士人傳誦爲實錄云余小子承大宗後
仰止前修勉力學行再微

恩寵用光二親二子壽明浚明並叨科第筮仕

明時遡本窮源眷焉思慕懷茲積慶之美敢忘纂輯

之勞抑又追而上之則二三宣義開其基琳齋府

君拓其業至清隱府君植德溫厚弟嘗以催科起

鬪偶至殺人論抵念爲母氏鍾愛請以身代挺朕

不回瀕行有爲之默禱於神者得長江一路放春

遊回之句至淮上果遇宥還僉曰天祐嗣是漁樂府

施君繩前啟後德業日宏篤生棲清以光以裕元元
本本濬發維長惜歷世彌久莫詢其詳而如清隱
仗義棲清賑貧等事尙載郡誌叅以家乘益深感
慕不忍使之無傳也因並錄以昭先德庶幾來者
國有所考鏡而興起云

萬曆丁酉季春之吉玄孫可大百拜謹識

公雅善吟咏每以躬修實詣發為篇什

其文迄今士人傳誦為寶錄云余小子

仰止前修勉力學行再微

恩寵用光二親二子壽明浚明並明科第並仕

明薦擢不四季春之吉之濟其秀良我艱難忘象

林樹春風而興成定則二三宜表開其基政齊府

勳不惑斯玄煥繼出因重驗以昭崇壽類幾來香

舞舞舞舞舞舞舞舞舞舞舞舞舞舞舞舞舞舞

本本舞舞舞舞舞舞舞舞舞舞舞舞舞舞舞舞

舞舞舞舞舞舞舞舞舞舞舞舞舞舞舞舞舞舞



施氏昭德編坤集叙

余旣輯昭德編乾集矣因思余曾叔祖茶陵公膠州公皆出自高祖於余曾祖夔月府君爲同胞弟於曾叔祖憲副公爲同堂兄也吾施人國朝來科目自茶陵始膠州憲副皆從受學相繼取科第遂爲吳中望族云茶陵蚤發政治以神明稱道節不容於時壯歲懸車中年云逝所與名人碩士酬接之章惜皆散佚僅存行狀言言實錄遂首輯之膠州初判東昌終守平度所至輒有惠政及民久而思慕以乞

終養未罄厥猷乃歛其才志而優游林壑間與湖
中諸大老如南垣劉公箬溪顧公石菴蔣公一菴
唐公輩結社於峴山逸老堂晚歲得吾叔祖符舉
於鄉益肆情於詩酒襟懷夷曠遂登上壽見於羣

公交詠者真稱高蹈之芳標逍遙之逸軌也憲副
公直聲振朝端丰采動海內既解組而人共惜之
已歸田而人交薦之陽明王公疏云學明氣充忠
信果決靜菴胡公方握兵柄至舉自代而東嶺去
思六科保語尤足以彰公未罄之志未展之猷也

已業有編刻今摘其尤粹者並梓以傳蓋覩琬琰

之珍用藏什襲披文綺之美欲示無窮且俾後之
彬彬有起者考世澤之由來又知文脉之所發源
也是爲昭德編坤集

萬曆丁酉季春之吉族曾孫可大謹識

終養未報厥歡乃欲其才志而優游

中諸大老如南垣劉公晉溪顧公石

唐公華結社於規山逸老堂晚歲得

於細益肆情於詩酒襟懷爽曠遂登

公交詠者與稱高蹈之芳標迢迢之

公前聲振絕域乎公動海內無解則

萬想丁酉季春之吉蒞會將回大輦

公身公歸齋賦壯集

泚泚有賦皆等世對之由來天吹之

公深用藏竹鑿井文德之美裕示無



壽吳興三施制義小敘

來歲日余嘗

讀宋史

蘇轍傳

見

震澤具區靡不有靈余家震澤北施君家震澤南余

登夫椒闔閭徙倚南望見弁山天目隱隱翠微間常

雲物護其上疑下有僊人宅云迺今知屬之吳興施

也施之先有西亭公者爲時名御史王文成所稱文

武異材勲庸爛然與余曾大父侍御公爲同年友稱

世講焉而西亭公所師事伯父爲棲清公有隱德與

吳門名士祝京兆都儀部相友善稱其雅稱厥號人

可知已而公之玄孫弁巖君又余小子所兄事而寅

友者弁巖君少以績學魁南都其二子伯仲復相

繼魁失南宮顧伯仲魁名若契取而符合又古今一
希覲也今觀伯子文蒼雅鮮麗若玉露金莖絕去煙
火仲子文爾雅澄瑩若仙姬神女不着鉛華微獨詞
章覲伯子容若冬嶺孤松顯烟霞色相仲子容若秋
水蒹葭涵冰月形情笑啻皮骨又嘗領立譚於伯子
矣靡非出世語亦靡非輕世語其旌陽勾漏之儔耶
而仲子儒風藉甚令人一覲德一心醉也其茂叙伯
子之徒耶原原本本則弁巖君已君古貌古心大非
時輩實心實政示我景行而伯子得其古仲子得其
清率乃祖父攸行所繇來遠已余嘗讀宋史稱蘇明

允父子有節義文章尤推毅明允今施氏之文似之
又讀漢書稱萬石君父子有醇謹德行尤歸本太傅
今施氏之德又似之嗟嗟有明允須轍軾有太傅須
慶建有三蘇文章須萬石德行吳興施氏備是已震
澤而南翠微雲物無乃是耶余卽叨世講乎先世其
庶幾焉以余小子望之茫乎灑乎口不能張若河伯
之遇海若也已

萬厯丁酉夏日年家寅弟龔道立頓首手書

南宮伯仲魁者若英取而

希觀也今觀伯子文者雅解

高想于百良日華泰南

玄觀前若此且冬嶺孤松

幾幾以氣小影點玄清

數面南翠嶺是勝於漢

竊數存五種文章珍萬

今觀其公之文以之

又蘇其書讀讀百甚

宋文刊自徵錄文章



贈汝華施先生蘭谷圖叙

傳曰孔子反魯隱谷之中見香蘭獨茂乃授琴歌
之夫蘭草類也蔓草之道不遠而歌之不置者君
子何取焉明德之馨不類於芬華而幽靜之致取
其適斯已矣是故陶潛氏以菊濂溪氏以蓮子猷
氏以竹美以類彰情以物寓其所適者然也獨蘭
乎哉記曰蘭有國香山谷曰蘭似君子眾芳搖落
而彼獨挺秀所謂富貴不淫者非耶夫富貴導淫
市廛起鄙施君處練溪之廛出世宦之族謂人曰
呼我蘭谷斯人也亦緣類以彰德托物以寓意者

耶嘗曰我處市廛而有水石痼蓋登蘭谷之上目
之崕呀聆之冷然消鄙蠲淫利慾勿萌聞古君子
以蘭爲幽客予幽人也爰契吾志是故蘭谷稱焉
南石子曰事異而同行者嘉乎跡者也行異而同
情者修乎中者也夫市廛之於山谷芬華之於幽
靜別矣乃施君則以此自著焉亦其臭味之同乎
故觀其號其德可知也爰爲之叙

賜進士山陰南石俞咨益撰

觀於華苑於主蘭谷圖

贈棋叟施翁八秩榮壽

我

皇上御極以來除煩滌苛以與天下更始鼓舞而涵
濡之已十有一年於茲蓋紛者理困者蘇勞者逸
若草木然欣欣日向榮矣猗矣休哉顧以三代之
盛未有遺年者乃勅有司優之以粟帛榮之以冠
服而亦豈惟其年哉吾鄉棋叟翁者實蒙是典嗚
呼若翁者庶幾無負矣乎者蓋平生無僞言罔行
急鄉里之難如在其身訓子孫必以正人有過輒
面斥不容愚嘗謂三代之盛不可得而見矣唯漢

初爲近之漢不可得而見矣惟國初爲近之亦不可得而見矣得見吾棋叟翁者斯可矣予生也晚以今所見比之數年之前酬酢何如也冠服不足以榮翁翁豈榮之哉唯願

皇上以三代之政而加之三代之民視彼徒以年而冒焉者何如也振起衰俗者翁其榮乎哉

賜進士出身翰林院
國史編修稽世臣拜書

韻琳與蘇係八赫榮壽

中秋愛月軒記

吾友陳廷士啓

啓

吳興施君肅之所居之東偏有軒焉名之曰愛月而因以自號予近過君之弟聘之君觴予於軒之中請予記予曰君之名軒豈非以地當震隅先得乎月故耶聘之曰不然吾兄今年六十有二其生也適當夫秋之中且不於晝而於夜兄之愛月殆取諸此予曰月與日共麗乎天昔之人嘗謂冬日可愛夏日可畏則日人亦有時而不愛也至於月從昔逮今以及四海內外人未有見之而不愛者愛固不止於君也若君之生值乎中秋則月之愛宜其尤篤蓋於同之中而又有不同者焉夫月

本陰之精故至秋而益明秋中而明甚此人人之通知
月之所以可愛或未必知也然則君之愛月豈徒留連
觴詠而已哉留連觴詠雖若異乎庸俗猶與月爲二也
天之有月猶人之有心也月體本明卽心體之無僞也
月翳於雲卽心之泊於欲也月無雲以翳之則其明者
始呈心無欲以泊之則其僞者始去此又因月以論心
合人月而一之者也君亦知此也乎君爲人質實厚於
倫理勢利紛華漠然不好而所好惟月可謂善養乎心
者也而不特以其生之異也故與之記之

中順大夫太僕寺少卿致仕都穆記

增長樂城記

倫以諒

壬午冬惠之長樂盜發僉憲施公討平之民之殘播
者稍集始奠厥居公廼語於邑之令孫君邦彥曰汀
贛之寇出入汨沒罔或測時覘我無備越我疆界蹂
我禾黍戕我耄稚以遺予憂予聞之治民者若羣牧
惟高其垣墉密其柵寨則虎豹罔猶若稼穡惟鋤其
異類慎剗剔則稗莠蠹蝨弗賊時以和今天降佑於
民盜獲靖伏民之寧止若奔得兀寇入縱之大至逆
千新田鼓之盡殪獲其賊將二俘五百餘黨悉平民
廼慶慶以無斃樂之令孫君邦彥以其事告於倫子

曰公之嘉績孚之於民著之一方其不可誼也已吾
聞之德懋則庸功懋則宣宣而樹之其迺無窮也且
吾邑之有公也猶隄之有防也決而壅之澤而利之
誰其罔懷雖公其弗耀其若吾民何我其紀之敢以
言請倫子曰施大夫可謂善於戎典者矣夫禮者兵
之節也禮以紀律律以陶兵是以觀動而知其形觀
形而知其實矣夫勝之無常惟典之常今師出而反
懋自滋省令無戾焉衷於禮矣能無勝乎志曰兵上
爲安民其次防民大夫之謂與

盜匪龍川三大事記

以時憲無不詳報

其詳

惠之屬邑曰龍川地接汀贛與潮爲鄰多深山絕壑
連絡磔徑百十穿貫每有盜賊則如循環探淵莫究
端底又加之以林薄陰翳陟厓峻坂難於馳突以是
出沒若鳥聚散鮮能薙獮且邑多僑寓往來境內大
抵盜賊雜於平民中莫之能辨奸黠潛爲結納官稍
舉動彼卽偵知百計支吾民益困而盜益熾積有年
矣近者張號立幟之酋聚黨數千橫行旁邑惠潮驛
騷時嘉靖改元之明年癸未孟夏月也適歸安施公
以僉憲奉 璽書實廣東兵備之寄旣至遑遑然

以弭寇安民爲急務乃蠲泛役祛宿弊節財養力一以恩信與民更始未幾民皆向化知利害稍稍安輯公乃默移檄兩郡治糧餉繕甲兵市馬徵士招募敢勇使出入羣盜中得其渠魁所親信者與其出役向道給之以計而盜不覺也旣舉事乃分遣將領截諸隘口躬督精兵直搗其巢穴遂擒其酋曰梁八尺鍾大總者羣盜次第斬馘五百餘殘孽皆釋之逃竄者榜示待以不死皆投戈自縛來歸公一切量貸以爲更生之恩非公曷致先是邑之屬地有鄉曰和平者盜區也新建伯王公以都憲撫汀贛時請縣其地事

未竟遇逆藩之變逮公至百凡經營悉稱舊圖費省
功集民賴以濟金革之聲茂如至今已二載矣公以
戎事既畢匪昌大文教則民罔知禮義且邑之學宮
舊已移建卑隘因循未及增修公乃立相邑之隙地
無踰城北州學舊基之勝者乃諭師生命有司商度
其工費議定乃建民不告勞學近罄湖歲久湖以積
淤所塞遂有私沼以爲田者公督令復之湖水環城
遶帶泮宮闔爽明秀廟堂增麗人咸謂百年墮典一
旦復興龍川之文運當振於今日者諸生遠近皆抱
經就師人期自奮其風聲氣習大非向日之比矣邑

令韋君邦憲乃謀於師生紹介致幣來請予記予以
平亂建邑興學三大事皆有關於國政春秋所特書
者第予之文不足以彰厥美取信於來世惟以紀歲
月叙成功備事績云耳若夫公之德望才猷久在海
內功業文章異日當徵於國史奚俟予言

無謂也公之學蓋基文淵者公之備而主命者河南
督子欲其私制因於未及社於公之文其味每公知
其專則學其具大文雖俱其用較誦美且其之學高
其業足跡以新金華之聲其誠至今古之輝矣公以
未竟其世蓋其文變盡公空百其孫營孫孫其書其

心周公孝行實錄

公諱洪憲字銘常心周乃其號也爲圍溪公長子天

性孝友圍溪公早世母王孺人性愛少子不甚憐公

公善承母志加意撫愛其弟推梨讓棗皆以至誠行之王孺人亦爲感悟遂愛公無異於少子焉所娶潘孺人亦能率婦道與公朝夕奉養晨昏定省未嘗稍懈一日公有故他出寄宿于外王孺人暴得一病公於是夕忽心悸不能寐晨趨而歸見母病臥于床倉皇悔恨百計調治罔効公憂憤無措乃齋戒沐浴焚香告天割股煮湯以進疾果愈由是彌加保獲未嘗

敢一日離左右也後王孺人以數終公勺水不入口者數日哀毀成疾親族以滅性非孝相警公乃強吞數口爲營葬於宋家園皆遵古制既葬之後思慕不已築室墓旁居焉所植薪木或有誤戕其一枝者輒慟悼不已人皆化之無敢輕犯三年之後公無歸志族人諭以先王制禮不可或過拉之以歸嗣後每有餘閑未嘗不至墓所至卽徬徨竟日不忍去遇甘脆蔬菓之物爲母平日所嗜者未嘗不薦之於墓故宗族長者皆羨之曰生子如洪憲死無恨矣其孝行純篤足以感動人者如此公爲萬厯時人迄今父老猶

嘖嘖樂道其事故據其實而誌之以爲人子勸

施奎瑞字文輝號宗林吳興歸安人也

少情恃直母胡撫之成立事顯母至孝七

而壯歲學愈益博四方負笈者踵接流于


員輸闕學嶽嶺嶽方伯積半生刺史任濟寧侍御請

先達皆北函請益焉蘇紫溪先生督學兩浙聞公卷


驚喜曰此第一流也遂冠多士繼而蕭文宗首拔廩

於庠屢試高等獎賜與陳萬吉掄解房師以不得

多士竟見於



一曰離左右也後王孺人以數終公
 者數日哀毀成疾親族以滅性非孝相
 數口為營葬於宋家園皆遵古制既葬之



已築室墓旁君為所植薪木或有誤戕其一枝者輒
 備悼不已人皆化之無敢輕犯三年之後公無歸志
 族人論以先王制禮不可或過拉之以歸嗣後每有
 餘罔未嘗不至墓所至即徬徨竟日不忍去遇甘醴
 蔬菓之物為母平日所嗜者未嘗不饗之於墓故宗
 族長者皆美之曰生子如洪憲死無恨矣其孝行純
 齋劬樂其事姑辨其實而著之以為永懷老猶

沙河令尹宗林施公行實

施奎臨字文卿號宗林吳興歸安人也生而英敏幼失怙恃祖母胡撫之成立事祖母至孝七歲受周易而壯歲學愈該博四方負笈者踵接沈千秋郡守溫員嶠閣學顧韻峩方伯稽斗生刺史任澹寧侍御諸先達皆北面請益焉蘇紫溪先生督學兩浙閱公卷驚喜曰此第一流也遂冠多士繼而蕭文宗首拔廩於庠屢試高等癸卯與陳萬言掄解房師以不得冠多士竟見格困躓棘圍十有三科豈非天哉有妹適沈邃菴公以師道自居每薄其文及邃菴成進士爲

督學公一夕夢中憤然問其妹曰如此文得雋如我
何妹曰汝不過爲泥水天啟辛酉拔置恩貢第一謁
選沙河令始符其夢云後以倨傲忤上官左遷政和
庠教不屈庚午解組歸復與子姪講經論學誘掖後
進無倦色仲子槩字克符坦率冲和筦家政善持籌
能裕前人業惜乎無嗣父子合葬調一冢之祖塋本
支姪邑庠生漢恩貢模等敦子姪之誼感教育之恩
春秋共薦祀云

前奎嗣字文興號宗林異興隴安人出主而英始

必同介年宗林毓公行實

環溪公殉難畧

公以濟世其


其

環溪公諱國謨爲人貌樸而性質方其在弟子員時
卽以忠義自許爲文每自寫其性靈不襲時蹊故屢
屈於場屋後由南監授安慶府經歷司挈家之官嘗
以職微不得展其所長爲恨居無何流賊肆暴廬淮
等郡牒者言安慶城圯易破賊竟趨兵而前羽書告
急督撫集百官議修城守禦之策皆無所建白公在
末位厯堦而前曰今必欲運城外磚石以修城非浹
旬不能成功已爲賊所蹂躪矣莫若掘城中街道之
石以築之不日可以告成俟賊退之後再爲甃治亦

權宜之計也督撫大爲贊賞卽傳令決策而行果不
晝夜而成功已畢賊至城下見城垣四圍堅整以言
者爲妄斬之而去撫臣喜公有應變之才上其功將
陞遷以榮之且凡事必咨焉越數月賊大兵忽掩至
守禦之具一無所備凡文武諸寮皆倉皇鼠竄獨公
至死守同寮有拉公去者公皆不聽其二子請曰上
司諸大臣朝廷托其一面俱各自遁大人職位卑微
何必獨任其責乎大人縱捐軀于此後世誰有知者
公叱之曰位有尊卑臣子之誼則一旦忠孝豈市名
之地乎家人哀請不已公乃密遣其二子與孺人先

遁公乃徧索城中得弱卒數百激以忠義四門邏守
俄而賊至矢石雨集礮聲震天城中膽裂無敢登城
外望者公躍馬急呼竟無一人肯應公不得已下馬
親以身抵門竟爲賊礮所傷嗚呼慘矣公之死雖于
事無所濟然其精忠自矢忘身殉國之心直可與睢
陽常山上下千古者也彼世之握大權踞高位視國
事若傳舍者聞公之風可以愧已

權宜之計也督撫大為贊賞即傳令決
 晝夜而成功已畢賊至城下見城垣四
 者為妄斬之而去撫臣喜公有應變之
 聖帝歡舍香園公文風何堪雖五月賊
 斷崇忠士不無古香此幾其哉若對觀
 事無所齋然其靜忠自天亦良保國之
 願以良遊門竟為煩煩謝平繼矣公文
 他望香公凱謫急乳竟無用人背孰公
 不學耳不識
 錄而能至夫而兩兼海響竟天機中
 亂繁難煩翁
 證及民感乘機中靜極卒燭百燧以
 忠壽四門
 孰孰



攀菴施公元配金孺人事畧

天下得奇男子易得奇女子難得奇女子以貞烈著者代亦有人其能甘貧如飴百折不磨克盡孝道願以身代者史書不多概見余小阮伯維公季女出自吳門申孺人長適姥水施子鼎升家無立錐親掾井臼不辭况瘁厯荒亂遷徙無定所不聞交謫聲後鼎升登賢書撓南宮縞衣如素宗黨稱淑慎焉姑沈太君嫠居二十年服食起居必躬必親靡弗周也乙巳夏姪孫女方在病中鼎升遠出忽聞太君有恙扶病起治湯藥不卽効密割右股調羹以進飲卽愈自病

轉劇名醫縮手再四急叩始知以割股故生子一駟
躬親枕席十有餘旬晝夜不解帶一如厥母之事其
姑也洵乎以孝報孝天道之不爽如是夫予休沐歸

里聞而嘉之特書此以誌施氏世德云

曰不賴以來想荒猶數劫息齋老人金之俊誌

與門申謫人尋齋教水菴于鼎代寒無立掛縣對共

以良分昔史善不參謝泉余小列印辦公季文出自

皆分衣育人其翁甘貧收韻百誌不報京蓋季龍顯

天不昏宿畏于長昏宿女子黷昏宿女子以貞庶著

攀蕃毓公元晒金齋人專畧

中蠲侯施斌

公諱斌望之長子晉建武中初令山陰陞信安義
興二郡太守爲尙書左丞征西大將軍太興
元年以征討有功封中蠲侯食邑安吉容貌偉
壯膂力絕人立功狗國志復中原未就而卒朝
野惜之

賜謚曰明侯廟祀其鄉葬於祖基東卽今樂平寺側
計墳地四十八畝魯氏封爲樵國夫人分葬於
鳳凰山之陽

精刺名醫手再四念即始知以制股故

躬親風風山文對句晝夜不解帶一如

結也信其或四十八袖臂其持錄熱園夫八

願蓋曰則為商所其職華策脈基東唱今樂平吉

搜韻文

息齋老人金之俊誌

扶替代蘇人立此此困志與中泉未涼而卒時

元平以珍情育此挂中繼翁食邑安吉容際翰

興二滯太守錄尚書空丞丞西大滌單 大典

公端啟聖之是于晉藝苑中既命山劉劉詩安美

中繼翁啟敏



書

此篇文句擬有傳訛
無可校正姑仍其舊

予自束髮讀書遊歷上庠奉親南北講知施氏高誼
之日久矣元祐間吾先君出守北海首薦遵於昌邑
紹聖間岳父領憲淮西復薦述於濟安二公相繼以
行義文學聞見選擢於時觀其所生者無不爲藻鑑
之明也後二十年向監承人乏作邑東陽復以覺邈
二人之實行聞于有司因觀施氏世系其爲義風遠
揚是宜鄉黨之信服士論之美揚則前之所薦皆非
予家之敢私也執三尺之法以繩民者是編皆爲施
氏則八刑可措而勿用矣因書其譜之尾以道其美

云限八限何許而以用矣因書其語文身以彰其美

大觀己丑歲冬十二月二十六日京

縣縣書

尉吳宜稜黨文詩規士論文美尉限前之

二人之實許開于育同因聯敵其世系其為養風臺

文開出於二十平向溫承人否於呂東則以費感

行養文學開良對對氣和購其池主香無不為養繼


既聖間岳父酌憲新西對蕪茲筑齊安二公休辭以

文日人矣元旅間吾武吾出守北務首蕪茲筑昌昌

字自束髮窮書茲恐土率奉縣南北蕪映敵丑高蓋

書

無石外五故份其薪
此錄文同雖有聯語



固交篇

祝允明

予曰天下之達道五君臣也父子也夫婦也昆弟也朋友之交也四者不道所以合而友特言交意者亦有謂乎僕謂朋友有以地勢合者矣吳之偃衛之賜則同升孔堂臨菑之玄齡京兆之如晦則夾輔唐室其初豈交也哉至如農耦耕工並肆商集市胥徒之共在官皆因而成類者也然朋友而已耳非所謂交也交也者志同趨學同道仕同忠川之達也或同防而並流或背向而各玉豈凡水皆朋哉其縱衡相貫分而合合而分可以爲交矣木之條也或駢樹而爭

喬或異植而互陰豈凡木皆友哉其殊枝而共本或
別根而連理可以爲交矣故必若游夏之學房杜之
仕斯宣父之云達道者矣僕也獲友於君子也眾其
爲交非寡而不盡也雪川施君不以下體去之數百
里肝膽一日作合直欲挽拙劣於符券爲千載友道
中興其力可以鈞斤萬千數計僕也何地承之雖趨
也道也忠也不敢以企庶幾細水之入長河柔蒿之
附長松乎欽膺之以期平仲之从

子曰天下之衰也正其曰出必平出夫無出且後出

璉川義單

立義單施峻爲光裕事有高祖墳塋一所坐落西柵
餘字三圩先年被族伯天惠債准與茅於善爲業峻
詰告按察司蒙南村太守西亭副使鄉老李本深施
克文等講開峻自出已財回贖併上下盤費用銀百
有餘金重栽松柏墓貌如故議單存証幽城圓圈計
地七分留在施梅戶上其外周圍併出路等項俱峻
戶上納稅棋叟叔祖存日已有台族議單存証因後
嵩鵬等各家無墳峻義讓東邊各殯葬訖慮後峻子
孫不知我義舉與彼積算稅糧彼子孫不知是我之

中山義契

立合同義契兄施中山嵩爲厚族事嵩家薄無依承
同祖弟青州太守璉川峻分俸銀五十五兩置買
永安祖墳前上田十畝內有地科今值時價七十兩
爲供膳之資并爲子孫永業慮恐子孫不肖變易致
令豪家填地開張竹木等行障蔽墳前風水不惟有
失厚族初心反致親支成釁今同親族寫立合同四
紙分與兒姪存照若我子孫世能承守以全璉川厚
意于家姪弟兄不得爭執益見親親尊尊之情若我
子孫不才興心變易任從于家弟兄收戶管業不得

認爲已產庶爲永遠之謀爲此合同爲照

嘉靖二十四年六月

日立中山

族長

蘭谷

親

周孝慈

顧景

族兄

岳對

徽

族弟

椿

巖

徵

嘉靖甲寅三十三年中山之子不能存守予恐變賣

他族復出銀五十五兩買此田爲永安祖墓公祭

之產本支子孫春秋輪流祭祀我子孫不得爭執并

識
璉川

中山鍾英

璉翁人祀呈

呈爲崇祀鄉賢以激揚風化事竊照已故南京刑部
郎中陞任青州府知府施峻生而穎異長益端方垂
髻吮祖之疽經幾宵衣不解帶弱冠代父之役輕千
里事不辭勞枕經籍史旁通不賴於師儒按藻摘珠
煥發有同於神助棘圍擅譽數千人孰敢爭先金榜
標名三百輩自能遠騁刑曹筮仕律例素閑跡其持
己之止真率不慣於承迎論其執法之嚴守理不阿
於權勢冰壺瑩徹公平可質之神明水鏡澄虛威斷
見推於僚屬但知法有必行何避恐之所在才高毀

積名重謗興比部之庶績未終青州之新命未展
投簪白下等金柴於鴻毛返棹茗西寄遨遊於泉石
苟完苟美求田問舍之情輕不靡不驕仗義周人之
義篤門無寵妾恩施不下於糟糠帑乏餘貲惠普均
沾於宗族酒中真性孰爲可孰爲否是非頗協於清
評詩裡神機長言之短言之風格逼追乎古雅雖或
駁厯未深績効有孤於夙負至於文行兼懋清修無
愧於名流確有遺真之風允爲一邦之彥躋之祀典
豈惟慰朽骨於重泉列之賢科抑且激頽風於來世
人心稱快教化攸關理合具呈施行須至呈者

皇清例授儒林郎候選州同知顯考敬亭府君行述

嗚呼痛哉府君棄不孝从榮等已一周餘矣不

孝从榮年方幼穉卽雙目失明不孝从大甫離

襁褓不孝从可尙在乳哺仰賴恩勤正未有艾

胡天不弔降此鞠凶奉侍無狀遽罹大故飲恨

終天百死莫贖其尙忍覩顏倫息者惟是府君

一生孝友純篤器宇深沉睦族敦倫濟人利物

可師可法若不一爲詮次使

鴻儒碩筆顯顯然載諸天下耳目恐日从遺忘則

不孝等之罪且通于天因于苦次餘生滴淚濡

墨畧陳梗概惟冀

當代大人先生採擇焉府君諱紹隆字鳴盛號敬

亭先世得姓于魯自中蠲侯諱斌顯于晉食邑

安吉遂爲東南望族其間奇勲偉伐簪纓奕葉

具詳家乘六十四世祖諱文始遷本邑之臺塘

明鄉飲賓諱洄復由臺塘析居篠庄數傳至曾

王父爾立公諱長志于吾施氏世次已七十三

世矣以仁厚啟基碩德善行久著鄉閭舉二子

長爲伯祖永春公次卽王父醇菴公諱永茂性

倜儻多材藝億計每奇中而與人交推心置腹

常傾囊以解人紛而人有反噬先王父亦怡然
不與校此古道照人至今口碑不衰者如有兄
弟兌宅不均因忿爭王父陳大義出三百金以
均其值兄弟咸愧悔而心釋又有偶犯商禁者
先王父憫其失志陰爲左右罪得釋後又圖翻
案因波累王父亦甘心順受今俱成戚屬往來
先王父生平隱德大率類此得府君最晚先繼
伯父鳴玉公諱世才恩勤顧復授產置勝不異
所生及府君生有異秉五歲入鄉塾時出問難
每以別有領悟見器重于公璜吳太夫子而先

王父恒自惜年老恐不及見府君成立六歲卽
援例入成均十歲例授州同知

例授儒林郎十一歲先王母姚孺人棄世哀毀盡禮
見者咸感動旣服闋府君因益策勵思早有以
慰王父心時先王父外患內顧一身兼持精力
漸衰耗府君乃薄功名而一意承歡侍養晨夕
不離膝下時

恩例保舉有薦之筮仕者府君掉頭堅拒曰吾未聞
有千里違親而能盡心于民社者其篤孝無間
如此十五娶吾先母孫孺人先母性行淑慎且

素佩外王母訓于歸後克殫婦道事尊章先意
承志庭幃間無疾言遽色極得王父母歡時方
構新室百工更番就食凡鹽米瑣屑事無難易
俱先母隻手經理產後勞勩成疾卒至不起嗚
呼時不孝从榮生纔十月呱呱之孤遽失所恃
王父母哀而憐之府君以嚴兼慈僱乳哺察寒
煖飲食每念吾先母輒泫泫淚下丙寅冬續娶
吾今母畢孺人畢素士族吾母更明大義事王
父母一如先母而畜不孝从榮與已出無異未
幾王母錢孺人棄世府君椎心泣血勺水不入

口者數日王父一再慰勉府君恐傷王父心進
粥糜苦由間血淚未嘗一日乾也丙子春王父
臥病府君衣不解帶凡湯藥粥飲必手自調劑
而後進每進必先嘗非措辦湯藥不暫離牀第
如是者兩閱月時潼溪周太夫子在舍同醫者
張午峯先生與府君在東廳外廂商訂方藥與
王父卧室隔門庭堂壁數十步王父微有聲府
君必隨諾同座咸驚異至側耳傾聽十不得一
而府君無不應聲者潼溪太夫子稱爲此嚙指
痛心之驗非關耳聰也丁丑冬王父辭世府君

擗踊泣幾不欲生體爲骨立倚杖而起苴經弗
去身臯魚泣血見者淒然及治喪內盡哀誠外
經百務皆手自劈畫遠近嘖嘖嘆服王父未卜
葬地權厝本村之東偏時萬山積雪府君親雜
傭作躬畚鍤填高厰基築窰宮手足至皸瘃不
敢以權宜了事戊寅夏炎暑酷烈偶與表伯潘
天錫先生談及樹下涼不如屋下涼一語府君
蹶然起喚土工運瓦負磚罩享亭于墳土曰樹
小影稀得此屋蔭庶不至暴烈于赤日中也得
鮮花時果必親供王父墳前春秋祭祀必特誠

備物如待大賓有不得必百方採辦敬酒上菜
情文懇摯逢王父母忌辰素服哀號嗚咽竟日
越宿必至王父墓攀號墳樹徘徊不忍去每遇
風雨卽往親周視恐有殘蝕朔望具衣冠再拜
數十年如一日王父九十冥壽先期土仙山顯
聖寺誠敬禮佛至日設位奉觴呼不孝等再拜
舉哀終日不啻新喪每閒居若與人私語問之
則念先王父貽訓也孺慕之忱歷久不渝如此
至于地方要務生民休戚府君必率先踴躍慨
以身任猶憶歲辛未米價騰貴窮民驚擾當事

咸錯愕府君曰王父減價平糶鄉里賴以安丙
子歲不登饑疫四起時邑侯

楊公設法勸

賑府君率先書捐爲邑紳士倡家又平糶自一
斗至五斗減價十分之一買貴賣賤糶米至一
千八百石有奇至今曉墅安吉一帶咸頌府君
之德不衰至造愛山書院修府學宮殿建青銅
橋甃北山嶺路無不斟酌輸捐壬午秋洪水泛
溢溪北一帶衝壞橋梁七座眾建一合建一獨
建五府君順人情爲修舉不掠美不廢墜如此
夏施蚊帳冬施衾被修合丹丸膏散諸藥隨病

施予不稍厭倦有貧不能葬者給槨助資買姚
宅南塢山十六畝作義塚且量地給工價收拾
暴露骸骨其好善之誠如此家中不置僕婢而
親鄰婚嫁不時必量力捐助有貧病而欲自鬻
其妻者府君必極力資助完聚亦甚眾親族故
舊之裔或化離坎壈資生無策府君必委婉代
籌使之得所而後已而于在三之誼尤篤府君
業師吳公璜太夫子貧老而孤府君歲時餽遺
敬禮倍至杖履頻過屢月逾旬欸洽不稍倦不
孝從儀亭孫夫子魯堂周夫子俱數載賓主咸

孚契以道誼歷久彌篤平居慈祥愷悌矢口極
謹飭處事極從容與人交推誠任素無崖岸物
絕之行亦不爲翕翕熱鉤距之智詆調之語終
身不一犯有以緩急告者應之無德色遇宵小
負心恬然容之曰情恕理遣正見我輩學問何
用睚眦爲寬以御下工僱或不任使令不遽加
譴責與村夫牧豎閒談絮語溫和之色溢于眉
宇視同族昆季藹藹怡怡與伯父鳴玉公尤愉
愉親愛不分爾我凡可以左右伯父父者不遺
餘力而慮事必周緻作事必審慎邇來指繁事

劇府君咳唾溲溺如覺未遑戊子春尙與魯堂
夫子商訂宗譜丙夜不輟夏秋大旱農民愁苦
桔槔之聲聞惻惻府君憂勞成疾咯血數口便

神思恍惚夜不安寢醫者謂此勞思傷神不能
以藥餌補也猶幸飲食不減尙無他慮孰意九
月初九日往大門外中風幾仆地幸堂兄从瞻
隨侍扶住手足已不仁精神漸不支不孝

从榮

驚惶無措祇朝夕籲天願以身代重進參芩不

効至十七日竟瞑目長逝由是不孝

从榮

等遂

永爲無父之人矣嗚呼痛哉府君偉身玉立鬚

眉疎朗灑灑有出塵之度讀書不屑事章句而
于經史之有裨身世者若佩璫珞行事輒吻合
一生和衷自持不執己意不掠人美誠子弟惟
樸誠務本切忌露才揚己流人澆漓衣不華飾
食無兼味皆出天性常言由儉入奢易由奢入
儉難先人櫛風沐雨爲子孫者何可忘締造之
艱哉他若寬租焚券棄債放生敬惜五穀諸媿
行卒難更僕數故鄰族周親翕然稱賢者如出
一口易簣之日遠近驚惶姚丈舜選徐丈世元
願邀眾鄉老籲請城隍司各捐壽數以代管隸

一呼白首數十輩扶杖曳從廟庭駢闐至號
哭泣下唁不孝于苦次者每日數十人不孝血
漬袖斑強爲慰勞而瞻彼雲樹不勝烏號此寬
彼藉又皆相向失聲許丈肇勝往復長號尤哀
聲惻耳不孝亦不解府君如何惠澤及人乃至
老幼悲號呼天請代如此也平居審幾度務洞
如觀火出言又簡响若誦管絃音樂之戲未嘗
寓目酒戶亦寬讌客必盡歡後已而尤精藻鑑
每與不孝論世人人品心術無不確中待親黨
貧富一心交友菀枯一致接人無町畦時被和

霽事在必行又肫肫欸欸期于必濟故人無論

知與不知咸服其誠而仰其德天苟錫以遐齡

不特于地方親鄰實有裨益卽不孝人榮等亦

不至猝羅大故庶幾得所蔭庇俾之成立何期

遽赴泉臺而聲音笑貌已杳不可得見嗚呼榮

榮在疚負荷維艱午夜追思肝腸寸裂不孝人

榮已淚極血枯骨蒸月化自知不久人世矣嗚

呼痛哉府君生於康熙丁酉年十月二十三日

子時卒於乾隆戊子年九月十七日戌時享年

五十有二國生

例授儒林郎候選州同知元配先妣孫孺人四安庠

生梅操公孫女庠生乃琛公諱其星女

例贈安人先府君卒繼配吾母畢孺人二都儒士榮

耀公女

例封安人庶母周氏子二長卽不孝从榮孫孺人出

太學生娶張氏石磯國學張介鏞諱鼓豐女次

不孝从大畢孺人出幼業儒聘錢氏四安國學

錢葆如諱象寅女庠生錢學渭諱人胞妹三

不孝从可庶母周孺人出幼未聘女七長適四

安庠生欽賜樂長子國學生夢熊次適許址儒

士王鳳德三適長城庠生吳西成諱景琰三子

庠生以坤俱元配孫孺人出四適四安國學孫

師聖諱繼儒長子文學鳳閣畢孺人出五適西

圩文學張若霖庶母周孺人出六庶母周孺人

出七吾母畢孺人出俱幼未字孫男二長有涵

聘大泉國學李忠信諱以誠孫女庠生李觀光

女次有潤聘庄前村國學許作新諱 振女庠

生許 崑胞妹俱不孝久榮 出孫女一不孝久

榮 出幼未字不孝久榮 等殘喘幼穉遽膺大故

五內崩裂語無倫次竊恐掛一漏萬不敢妄加

施且完請
...

溢美伏冀

大人先生賜以琬琰增光泉壤不孝从榮等感切

不朽世世子孫感且不朽

不孝孤子施从榮泣血稽顙謹述

賜進士出身內閣中書庚辰順天鄉試同考官宗人

府主事戊子湖北鄉試大主考己丑會試同考

官吏部稽勲司員外郎加五級紀綠九次年家

眷弟鄭步雲頓首拜填諱

...

...


節婦朱孺人傳

諺有之曰女子無才便是德固非無才之患而無德之難不知無節之尤難也如吾繼母朱氏孺人誠足嘉焉孺人於歸啟麟公行居三兄弟四人長啟鳳次啟龍早世季叔啟敖婚配後俱各分爨無何未逾五年卽寡孺並無嗣息哀毀不能自存而猶不免爲未亡人者以夫之脉未續也旣而叔生二子長箭三次大本未及成立生母陸氏已辭世無人撫字繼娶湯氏不逾年而亡當斯時也中饋誰主二子誰依鰥叔寡嫂分門別戶情難堪已孺

人則視侄猶子且箭三應爲夫後勸叔并灶合炊
叔治外事孺人治內事不專制而相助爲理叔視
嫂如母同心協力延師教訓而箭三得以名列膠
庠大本亦知務節儉雖以爲夫後而撫字二子并
不知誰爲繼誰非繼無二心也計四十餘年佐叔
教誨佐叔嫁娶佐叔營造其心勤不可殫述至于
明勞逸勤紡績特餘事耳余也居同理間誼重邢
譚親見夫夫無子而有子姪無母而有母皆孺人
之才有以稱其德也夫孰非其節之有顯其才哉
丁酉歲以孺人之苦操呈請學憲王給以匾額曰

志並冰霜允足以誌孺人之真節也夫

繼男徐茗鳶頓首拜撰



人則視任猶子且節三應為夫後勤
 叔治外事孺人治內事不專制而相
 嫂如母同心協力延師教訓而節三
 得



庠大本亦知務節儉雖以為夫後而撫字三子并
 不知誰為繼誰非繼無二心也計四十餘年任叔
 教誨任叔嫁娶任叔營造其心勤不可殫述至于
 明勞逸勤紡績特餘事耳余也居同理問誰重耶
 譚親見夫夫無子而有子姪無母而有母皆孺人
 之才有以綱其德也
 志華衣議余足以請歸人女其曾母未以匾額曰

施有源公傳

公諱廷鑰姓施氏有源其號也子二長曰兆榮季曰

兆慶季之子曰文錫文鏐文銓文鈞凡四人錫治生

鏐及其弟俱嫻文學與湘友善每過其家輒經宿

相見甚懽湘因得交於公之孫而父事公季子兆慶

卽羣稱爲春澤先生是也歲壬寅施氏彙其族譜而

重梓之議曰凡吾族人若祖若父有可光於家乘者

子孫其述焉毋隱春澤先生於是愀然曰願有言屬

文於湘而告之曰先府君有源公棄世於今五十九

年矣當是時吾甫離襁褓先兄稍長然亦僅成童耳

何以能知吾父歟既益壯吾母始道其詳曰汝父謹厚人也生平舉動未嘗有所苟素清貧饘粥自給泊然寡營蓋其天性又廉且介者也始吾爲汝家婦汝父年三十有三越一年生汝兄又十二年生汝又四年汝父年四十九以卒未亡人痛不欲生旣而思之舍孤以殉非難然宰汝父矣姑飲冰茹蘗撫汝及汝兄以忍而有待蓋知汝父之必昌於後而知汝曹之必將有立也今及見汝多男吾亟抱孫他日得以是慰汝父於地下矣汝其勉之且以教汝之子永思厥艱妣孺人姓陳氏卒年七十有二與府君合葬於銅

八庄赤山村後東山之陽湘聞之肅然而起曰是詩
所謂刑于寡妻者公其人歟孺人堅持苦節撫遺孤
能識大義是尤報公之深者又可多得歟今文銓登
拔萃科文鏐文鈞並博士弟子有聲黌序益以見報
施之不爽云湘雖陋不文顧此等事湘獲載筆焉亦
與有光榮矣遂以先生所言退而爲之傳筆忽不苟
道光歲次壬寅仲秋之吉

世再姪范湘頓首拜撰

修其能知... 歎既益壯吾母始道其...

厚人也生平舉動未嘗有所苟素清貧...

然寡營蓋其天性又廉世再登... 勉首...

童歲孤寒... 汝兄又十三年生汝又四...

與法... 汝兄又十三年生汝又四...

... 汝兄又十三年生汝又四...

... 汝兄又十三年生汝又四...

... 汝兄又十三年生汝又四...

... 汝兄又十三年生汝又四...

... 汝兄又十三年生汝又四...

... 汝兄又十三年生汝又四...



施有顯公傳

先夫子諱惠字紹聞行名有顯嘉慶丙子歲貢爲吾

邑名宿清真雅正不事雕飾卓然有大家風人有得

其遺稿及歲科試藝蒙宗工選人校士錄者皆珍

寶而傳誦之至于今勿衰華甫弱冠時卽負笈從夫

子遊循循善誘引人入勝舉凡言貌起居毫忽不苟

皆有以大過人者至後來學者幾及半邑授業評文

終日不倦而鄉黨有以事來質正者不數言而疑難

立排紛爭立解人競羨其聰明正直而夫子不欲以

此見其能也惟是敦名節慎廉隅孜孜以樂育英材


爲務居家自奉井井有條崇簡樸斥奢靡配師母殷氏太孺人尤克以勤儉相輔故卽新筦篋置膏腴創造之業光過前人而沒泊寡營有非俗情所能及者尋常與人晉接油然可偕初無岸異及或動以非禮則又嚴氣正色凜然不可稍干至於財帛往來不論已之緩急惟視理之當否非其義也非其道也一介不以與人一介不以取諸人是非精辨乎惠與廉之中者不及此且其性尤慷慨好施甲戌歲大旱民饑乏食首先捐米眾殷從之由是一庄窮民得免餓莩之嘆以後每逢荒歉遂皆率以爲常他如親鄰故舊

遇有困乏亦濟救如恐不及常自言曰我不能作大
功德只求全此不忍之心而已迄今子生孫孫生子
濟濟彬彬聰穎秀特豈非積善而有餘慶耶嗣君品
巖遊庠食餼名冠詞壇皆吾夫子家學淵源所致實
與華爲金蘭契會壬寅歲施氏重修宗譜屬傳于華
因憶辛巳秋出闈後以塲稿呈閱預蒙賞鑒茲則玉
樓重隔立雪無從所可仰酬者惟此數行字耳第蠡
測管窺未足以彰全德謹述其所知者俾壽諸梓以
識不忘云

崑

道光歲次壬寅仲秋之吉

辛巳鄉榜舉人張藻華頓首拜撰



Faint bleed-through text from the reverse side of the page, including characters like '因', '與', '嶺', '齊', '此', '既'.

太學生永江公傳

公諱永江字遠源府君正洪公之長子也公幼以勤敏稱雖與羣兒聚居不少苟聞人讀書卽心焉慕之長從家塾師學誦習異羣弟子塾師咸欣羨曰此子可造施氏大有人矣無如執經數載而嚴君已衰邁不能堪忽于除夕家祭畢召公而訓之曰庶民之家非耕卽讀爾好讀書甚慰余志但余老矣無任余勞者爾弟俱幼爾年長一切諸家政爾當經理之公泣曰唯不敢違由是廢書習農課畊桑時畜牧內外庶務井井有條鄉里爭贊美之曰能不幸甫踰有室乃

父已赴玉樓台矣公居喪三載服闋援例入成均與
同鄉諸君子游謹訥不妄言言及讀書若深有遺憾
者公之長嗣君名如衡者佳子弟也乙亥春余教讀
本祠授徒十餘人公率衡來言曰余子未嫻教訓賴
先生諄誨之余亦應命如諸生衡亦恂恂能執弟子
禮越五載庚辰科試幸獲見賞宗工同遊泮水此
雖小試其端亦可見不得于其身卽得于其子孫天
之報施善人爲不爽也尤有難者鄉中有善舉無不
樂從甲戌歲歉里人苦乏食好善者各出米以賑濟
之公率先慨然允議至己卯歉收平糶亦如之斯非


勤干體而儉于家敏于事而慎于言者歟嗣後家基
日拓食指日繁公因老不勝事謀與諸弟永昌永烈
永中析居兄弟並無間言至今雍穆可風人稱爲積
善餘慶云公生於乾隆己丑五月廿三午時卒于道
光辛丑十一月初二戌時享年七十有三現今施氏
有重修譜牒事衡來乞余一言余不文安敢妄弄筆
墨然知公之深見公之真謹拈不律畧述梗概以俟
能者傳之

峇

道光二十二年歲次壬寅律中夷則上浣 穀旦

後天正十二乙酉科拔貢姻愚弟徐觀植拜撰

翁昔身之嗣君名如衡者住于弟也



墨然味公之賢見公之真藪其不幹譽數賦賦以對

育重外請款與謝來公余請言余不交與如家齊華

光宗正十六氏勝三其相享翁少末亦正應念賦丑

善糾靈天公全效算對岳任丑且廿三千制卒于歲

示中德異尺策並無問言至全靈靈世源大附錄辨

日時食能日樂公因步不謝事籍與論謝不昌派然

德于醫而翁于求慈于事而鄭于言容放附送案基

候選訓導施友琴先生傳

友琴先生姓施氏諱文鈞又諱鵬齡字衡之安吉之望族也有同產兄三皆豪於文以學行鳴獨先生通脫尚氣不屑規規於章句比隸學官作弟子員益豪俠能爲人緩急而於孤寒無告及有志行操節者尤加意也當髮逆之竄浙也先生曾一再干常道謂茗上民物殷阜一呼萬夫苟得其人師戚南唐鄉兵遺法以用之其庶幾乎而先生仲兄鏐亦屢以爲言皆莫之省先生乃慨然私其仲兄曰彼夢夢者方挾眾爲兒戲烏足語盍去諸圖自濟乎已而簡丁壯於邑

東山中固自守久之其仲兄戰賊死先生乃大勵誓
練丁殺賊會楚師由三衢定浙聞之大喜未幾浙東
底定杭嘉各屬亦以次告復惟梟酋黃文金猶戀踞
湖城并堅守若西城鎮爲竄遁計於是先生乃率練
丁起而要擊之而楚師復由餘臨孝武一路兜勦而
前賊聞震懼遂倉皇遁浙省始於是告肅清焉是役
也湘鄉揚觀察卽今陝甘總制實統師者上聞先生
名因就訪所以蘇息遺黎者先生旣備陳之以爲桑
梓惠乃散遣練丁退遷於邑南之荻浦鎮而居之越
數月會大府以先生團防佐勦功上請議叙訓導旣

得請因慨然謂所親曰一門聚順曾幾何時今得依
依左右者僅此伶仃弱女而叔兄銓之二孤又遠寄
都下不知當作何狀自維年來碌碌隻身從健兒遊
行帳孤眠聲傳刁斗當此之際每不禁回遡前塵潛
焉隕涕人生如寄耳余所心焉藏之者其惟歸我叔
兄之喪兼取其孥育而教之冀其有成少俟弱女之
長而嫁之如此而已而謂余猶有利見之思耶先生
兩娶於李有一子死於難兵後再娶於王而先生亦
既老矣無所出雖然自先生卒後其猶子紫明孝廉
復相繼告歿施氏之胤幾於斬矣乃拆而復續得以

有今日者實賴先生最後繼室王孺人之力誠所謂
有造於而家者也然則如王孺人者豈惟無負先生
之寄託抑亦施氏之功臣耶余不敏不足以傳先生
顧於施氏世姻好而紫明又執友也茲以傳請義何
可辭用敢謹述所聞爲之傳以質世之知言君子焉
光緒二十二年歲次柔兆涸灘仲春中浣之吉

姻愚姪萬春涵謹撰

安吉施旭臣先生傳

施君諱浴升字旭臣安吉人自幼穎異少長淹貫經史博覽羣籍經目輒記先儒註釋於義有未協者必考核精確乃己性淵默寡言笑不屑屑與人周旋人有過直斥之不稍假而論人恒恕人以其不諧俗也或非笑之而士林之知名者咸敬慕焉家貧不諳治生并不專習舉業惟以持志立品自勵同治癸酉登鄉薦兩赴春闈不售光緒庚寅春又赴都甫解裝病已亟未及試而卒於會館年僅四十有三闔邑驚悼僉謂博學篤行之士眾口無異辭蓋真論定之日也

釋

與君交久幾二十年稔知其尊人壽民先生諱文
銓學行素彰以名孝廉富著作小游燕趙託蹤記室
諸公卿爭先禮聘保定太守李公夢蓮最契重知其
硯田未潤薦乾脩先生謝無功食祿不敢受是雖小
節而品概可見後就延慶獲鹿書院掌教誘掖薰陶
士風日上咸豐辛酉捐館於獲鹿邑之紳士欽其品
而感其教至今猶稱道不置時年止五十有一旭臣
生長保陽幼承庭訓其學自有淵源方失怙恃年猶
未冠際東南寇平遂歸里依其叔母讀書外不預他
事或遭譴怒惟順受不稍忤後娶於郡北姚氏遂依

以居嘗以思親飲泣悲感成疾平居日手一編數月
不出戶家愈貧而處之坦然絕無所求於人士論高
之所著有金鐘山房詩文集及夔齋談助數種同年
戴君笠青朱君蓮夫爲之集資付梓而以君之尊人
遺著列首請序於歸安楊見山先生以傳其書名之
曰安吉施氏遺著蓋悲其懷才莫展藉此以發幽光
也觀其詩文自足知其蘊蓄恨釋愚陋不能窺其萬
一所耿耿不自己者惟目擊其持志之堅立品之峻
而願以一言代白其隱耳今回憶二十年中竊歎其
持躬也未嘗有一行之虛飾其與人也未嘗有一言

之忿爭其應務也未嘗有一事之苟且其處困也未嘗有一念之妄求雖窮而不達不能有所表見而立心有恒素履无咎如旭臣者殆亦足以厲世而磨鈍者歎嗟乎向之非笑者固不足道卽敬慕者大抵重其學之博未盡知其品之優也茲則質諸公評皆以爲品學兼優之士信乎論定之必在身後也爰據實而爲之傳不敢妄有所增飾其猶有管見所未及而可傳於世者願更以俟闡幽之君子

時在

光緒十九年歲次癸巳季冬之月烏程鈕承繹敬撰

